



歷代名賢列女氏姓譜卷之八十四

湘鄉 蕭智漢雲澤氏纂輯

男秉信明甫氏校

下平聲 七陽

王氏

宋

王沿字聖源館陶人第進士試校書郎歷知彭城新昌宗
城三縣改相州觀察推官張知白薦其才擢著作佐郎入
爲審刑院詳議官遷太常博士嘗論漢唐之初兵革纒定
未暇治邊圉故屈意講和及我力有餘而外侮不止則以
兵治之孝武之于西域太宗之于突厥頡利是也宋興七
十年而契丹數侵類皆屈已與盟豈久安之策夫善禦敵
者必思所以務農實邊之計河北爲天下根本民俗儉嗇
氏姓譜 卷八十四 七陽 王氏

勤苦古號豐實今其地十三爲契丹所有餘出征賦者七
分而牧監芻地占民田數千百頃是雖有其七其實賦四
分而已以四分之力給十萬防秋之師生民安得不困且
牧監養馬徒耗芻豢未嘗獲用請擇壯者配軍衰者徙之
河南孳息者養之民間罷諸坳牧以其地爲屯田發役卒
刑徒耕之歲可獲穀數十萬斛又言漳水一石其泥數斗
古以爲利今以爲害者繫乎用與不用爾願募民復十二
渠渠復則水分水分則無奔決之患以之灌漑可使數郡
瘠鹵之田變爲膏腴如是則民富十倍而帑廩有餘以此
馭敵何求不可哉詔河北轉運規度判洛州王軫言漳河
岸高水下未易疏導又其流濁不可溉田沿方遷監察御
史上書馭軫嘗劾知開封陳堯咨判官張宗晦嗜酒情事
天聖五年安撫關陝滅諸縣秋稅十二三還爲開封推官

差體量河朔飢民所至發官廩以賑就除轉運副使上言
本朝制兵理刑未幾于古請教河北強壯以代就糧禁卒
之闕罷招廂軍以其冗者隸屯田行之數年禁卒當漸銷
滅而強壯悉爲精兵矣頃多以勅處罪多重于律如以緝
估罪者勅以緡代之坐髡鉞而役者勅黥竄以爲卒比諸
州謫卒太多衣食不足誠願削深文用正律以春秋法斷
事庶無寬濫被詔鞫曹泐獄多傅致之遷殿中侍御史親
喪服除改工部員外郎知邢州爲河北轉運使始奏罷二
牧監以地賦民導相衛邢趙水下天平景祐諸渠溉田數
萬頃因詣闕奏事上所著春秋集十五卷授直昭文館歷
三司戶部鹽鉄副使遷兵部員外郎天章閣待制陝西都
轉運使俄因朝例減戍卒就食內地者數萬密院李詒以
爲不可降知滑州徙成德軍建學校行鄉飲酒禮遷刑部

氏姓譜

卷十四

七陽

王氏

二

鄭中河東都轉運使加龍圖閣直學士知并州時元昊數
寇建議徙豐州不報已而果陷進樞密直學士涇原路經
畧安撫招討使改涇州觀察使坐葛懷敏敗降天章閣侍
制徙知成德軍終河中府有文集二十卷唐志二十一卷
王鼎字鼎臣沿之子也登進士累遷太常博士王堯臣薦
勾當三司公事數上書論時政擢提點江東刑獄與轉運
楊絃判官王綽號爲三虎降知深州有告州卒與其徒謀
以元日殺軍校劫庫兵應王則反者捕首謀十八人一郡
帖然大飢人相食鼎經營賑救徙建州提點河北刑獄名
爲開封鹽鉄二判官累遷司封員外郎鼎精于吏職事無
大小必出于已凡調發綱吏悉度漕路遠近定先後爲成
法均節勞逸吏不能爲重輕入爲三司鹽鉄副使遷刑部
郎中天章閣待制河北都轉運使徙河東卒鼎爲人廉直

不欺當官明敏不可撓以私事繼母教孤姪慈孝交至自奉儉約與弟豫皆有材氣後爲大理寺丞知伊闕縣有異政棄官浮游江湖殖貨自給以卒

王巖叟字彥霖大名清平人仁宗初置明經科巖叟年甫十八省試廷對皆第一調變城簿涇州推官哲宗初劉摯薦爲監察御史首論不絕害本百姓無由樂生不屏羣邪太平終亦難致遷左司諫兼權給事中凡執政不協時望制命不由門下繳駁爭論不遺餘力謂諫官所言給事所駁非好爲異論喜忤大臣恐命令斜出虧損紀綱有不得已耳又上言三省胥吏月饗厚奉歲累優秩姑息相承流弊已極望飭勵大臣事爲之制卽詔裁抑定爲十七條遷侍御史奏國朝置諫臣纔六員方之先代已爲至少今兩省正言久闕因循不除豈謂治道已清無事于言邪抑人

氏姓譜

卷八十四

七陽

王氏

三

材難稱故虛其位邪二者皆非所望于今日願越補其闕多進正人以壯根本尊朝廷未幾坐張舜民事出知齊州請以河北所免塩法行之京東諸路災疏請賑貸明年復爲起居舍人嘗侍邇英進讀寶訓至節費用曰凡言節用非偶節一事便能濟當每事爲意積久累日國用自饒讀仁宗知人事曰人主常欲虛心平意無所偏係觀事以理則事之是非人之邪正自然可見矣上自臨御嘗淵默不言偶因司馬康講洪範又用三德問曰止此三德爲更有邪巖叟聞之喜卽分疏三德上言人君之正直在惜紀綱謹法度重典刑戒姑息明是非判忠邪又常侍上前言陛下退朝無事不知何以遣日上曰看文字巖叟再拜言曰陛下幸留意甚善顧聖賢之學非造次可成務須積累其要在專與勤屏絕他好始可謂專久而不倦始可謂勤

之館伴遼賀正使耶律寬寬求觀元會儀巖叟謂非
國所宜知錄笏記與之權吏部侍郎鄭天章閣待制樞密
都承旨時湖北諸蠻互出擾邊巖叟請以疆事專委荆南
唐義問自草檄文喻以朝廷方尙恩信勿爲徼倖功賞之
意遂得安輯夏人遣使故爲牽致勞苦巖叟預戒邊臣違
期不至勿復應後不敢違自元祐講和夏人爭質孤勝如
二堡以爲形勝膏腴之地蘇轍建議將與之巖叟奏地在
蘭州界內昔漢趙充國留宅之所若失二堡則蘭州熙河
遂危形勢之地豈可輕棄從之夏人入侵壞七厓峴堡掠
居人轉侵涇原及河外鄜延府州朝議欲以七纜經毀之
地與夏人巖叟復力爭謂使彼計得行後患未已因請遣
官諭熙帥范育命戶部員外郎穆衍行視築定遠以據要
害調兵賞費一從便宜不必申覆定遠遂城皆其力也拜

氏姓譜

卷十四

七陽

王氏

四

中書舍人權知開封劄分推判官二人左右廳治事署爲
令巖治羣偷根株淵藪幾盡慈聖仙遊未遠其族曹續貿
產市僧負其直返訟之續就逮巖叟謂恐傷孝治且長告
許之風遂竄告者時天下積欠多名催免不一公私費擾
巖叟乞隨等第立多寡定爲五年十科之令元祐六年拜
簽書樞密院事入謝太后曰知卿才望不次超用巖叟奏
言聽政以來納諫從善務合人心所以朝廷清明天下安
靜願信之勿疑守之勿失復奏帝今日聖學當深辨邪正
正人在朝則朝廷安邪人一進便有不安之象非謂一夫
能然其衆類應之蒙蔽耳目不覺養成禍胎耳或聞又有
君子小入參用之說此乃深誤陛下自古聖人但云君子
在內小人在外則泰小人在內君子在外則否小入旣進
君子必引類而去此二者危亡之際不可不察兩宮深然

之后與帝出閣中物管上清備祥宮以成先帝之志宮處
將肆赦巖叟言陛下不煩公不勞民真盛德事猶願自今
以土木爲戒昔天禧治平中祥源體泉二觀成皆未嘗赦
乃止方選后得狄諮女庚命似便爲是庶出過房事須評
議進言太后按禮經問名篇女家答以夫婦所生不及外
諱不識今者狄氏何辭以進遂寢及選后已定又言于帝
內助雖后事其正家須在皇帝自古正家而天下定惟當
慎之于始退取歷代事可爲后法者類爲中宮懿範上之
宰相劉摯右丞蘇轍以人言求退巖叟疏言自元祐之初
排斥姦邪緝熙聖治二臣之功居多願深察讒毀之意重
惜腹心之臣無輕其去就鄭雍指爲朋黨罷除端明殿學
士知鄭州太后語言者曰巖叟有大功今日之命出不獲
已明年徙河陽將復大用以疾卒年五十一后悼惜之詔

氏姓譜

卷十四

七陽

王氏

五

贈正議大夫巖叟有志格君章累再三或至十數必行其
言而後已司馬光稱其進諫無隱人爲寒心栗齒憂在不
測而處之自如爲文語省理該深得制誥體所著有易詩
春秋傳行于世云

王觀字明叟如臯人第進士除刑定三司令式官不樂改
潤州推官熙寧中郡遣吏視旱災吏承監司風旨不敢多
報檄觀覆按盡請蠲除觸監司怒會朝廷遣使振貸觀請
見爲言民間利病使者喜歸薦之除司農主簿轉司農丞
時方稱爲要職進用多由此觀拜命卽求外韓絳高其節
適絳帥穎昌辟爲簽書判官坐公累免起爲太僕太常二
丞哲宗立宰相薦觀可大任擢右正言右司諫疏言國家
安危治亂係于大臣今執政入人而姦邪居半使一二元
老何以得行其志因極論罷章惇蔡確韓縝張璪又劾寬

呂惠卿朝論慮人情不安將下詔慰釋覲又疏言舜罪四凶而天下服孔子誅少正卯而魯國治當是之時不聞人情不安蓋人君所以御下黜陟二柄而已豈以爲惡者懼而朝廷亦爲之懼哉又言鬼章雖擒其子猶統衆疆土種落未減于前安可遽戮以買怨宜處之洸岷秦雍間以示含容好生之德從之差役復行覲探綴數十事于差法有助可以通行者上之又言刑罰世輕世重熙寧中謂刑罰不重則人無所憚今法已行矣可以適輕之時願擇質厚通練之士載加芟正詔置局悉用中興準元祐赦文編彙覲預焉先是諫官分列兩省有議徙之外門而以其直舍爲制勅院名防漏泄實不欲使與給舍相通覲爭之曰制勅院更舍也奪諫省以廣更舍信胥史而疑諍臣何示不廣乃不果徙尋改右司員外郎拜侍御史右諫議大夫坐

氏姓譜

卷十四

七陽

王氏

六

論右丞胡宗愈出知潤州加直龍圖閣知蘇州按治黠吏于法一郡蕭然民謠有吏行冰上人在鏡心之語入拜刑戶二部侍郎與豐稷同使遠紹聖初以寶文閣直學士知成都病俗火葬索侵耕官地表爲墓田江水貫城歲久湮塞積苦霖潦疏治復故民甚德之號王公渠徙河陽坐例貶少府少監徽宗卽位還故職知永興軍改爲翰林學士會當制草日食詔有惟德弗類未足以當天心之語宰相劾之遂請外以龍圖閣學士知海州罷主管太平觀安置臨江軍卒年六十八覲清修簡澹人莫見其喜愠持正論始終再罹譴不少變紹興初追復龍圖閣學士

王俊義字堯明覲從于也遊學京師或薦之童貫拒不答林靈素講寶籙選士問道司成以俊義及曹侁應詔亦辭後由舍選擢第一徽宗見其容貌甚偉大悅顧侍臣曰真

所謂俊義也蔡京邀一見左右史可得俊義不肯往僅拜
國子博士居二年改太學傅鄆王謁先聖議諸生門迎俊
義謂不可並于人主禮如見宰相足矣乃序立堂下王至
猶辭不敢當歷吏部右司員外郎爲王黼所惡以直秘閣
出知岳州卒年四十七俊義與李祁友善首建正論于宣
和間當時諸公卿稍知分別善惡邪正兩人之力也

王安中字履道中山陽曲人及第調瀛州司理參軍更大
名縣簿政和間歷著作郎秘書少監除中書舍人轉御史
中丞按開封邏卒夜縛民爲盜得其寃狀出民抵卒罪有
徐禪者以增廣鼓鑄之說媚蔡京因奏遣措置東南九路
銅事且令搜訪寶貨妄稱得希世珍異並古寶器乞歸書
藝局安中疏其欺上擾下宜令九路監司覆之禪竟得罪
罷時上方向神仙之事京引方士王仔昔以妖術見朝臣

氏姓譜

卷十四

七陽

王氏

七

臧里寅緣闕通安中疏發其姦請自今招延山林道術之
士宜責所屬保任宜召出入令察視其所經由仍申嚴臣
庶往還之禁並論京欺君僭上蠹國害民數事上悚然納
之俟過天寧節當罷京京伺知之大懼其子攸日夕侍禁
中泣拜懇祈上爲遷安中翰林學士又進承旨宣和元年
拜尙書右丞轉左丞金人來歸燕謀帥臣安中請行黼贊
上授安中慶遠軍節度使靖康初論罷爲觀文殿大學士
提舉嵩山崇福宮紹興初復左中大夫子辟章知泉州迎
養未幾卒年五十九安中爲文豐潤敏拔尤工四六徽宗
宴睿謨殿命賦詩百韻賞歎不已令大書殿屏以副本賜
侍臣其見重如此有初集七十六卷

王庭秀字穎彥慈谿人少從黃庭堅楊時游其爲學旁搜
遠紹不苟趣時好造詣深遠操持堅正發爲文辭俊邁宏

遠政和二年上舍登第歷官州縣李光薦爲御史臺檢法
官宣靖間屢有建白發于忠義以言不用乞歸高宗卽位
議加褒擢與虞諤並舉拜監察御史上言朝廷威斷當出
自人主所遣宜諭官令察州縣刑名有疑慮者申憲司閱
實具奏取裁遷殿中侍御史論罷黃潛善賣官售寵俄與
鄭穀共爭降位號事出知端州正言呂祉奏危疑之際今
日移一言官明日罷一諫職後朝廷有失事誰敢言者名
爲吏部員外轉左司郎中奏比來貪吏爲害州縣之間豈
無廉介自將沉于下僚者宜命五使所至舉廉潔清修吏
民師表者特名來上參之公議不次升擢以厲士風從之
遷檢正中書門下省諸房公事與宰相議不合引疾求去
進直秘閣主管崇道觀而歸

王十朋字龜齡樂清人天資穎悟日誦數千言及長有文
氏姓譜

卷十四

七陽

王氏

八

行聚徒梅溪受業者衆秦檜死上親策進士十朋以權爲
對言攬權者非欲衡石如秦皇傳餐如隋文彊明自任不
任宰相如唐德宗精于吏事以察爲明如唐宣宗蓋欲陛下
下懲旣往而戒未然威福一出于上而已法之至公莫如
選士名器至重莫如科第今有司特以爲媚權臣之具尙
安望其得人哉上嘉其議論醇正擢爲第一學者爭傳誦
之以擬古之晁董授十朋紹興簽判裁決如流吏姦不行
時以四科求士府帥王師心謂十朋身兼四者遂以應詔
名爲秘書郎兼建王府小學教授皇孫特加禮位之中坐
輪對言造禍以來金未嘗不內相殘賊然一主斃一主生
要在自備如何今權雖歸于陛下政復出于多門是一檜
死百檜生也張浚天資忠義材兼文武乃投之閑地劉錡
長于用兵士卒樂用乃老于藩郡願起而用之以寢敵謀

以圖恢復楊存中交結北司位列三公陰結諸將相爲黨
援子弟親戚布滿清要臺諫論列委曲庇護他如清資加
于噲伍高爵濫于醫門諸軍承受威福自恣甚于唐之監
軍皇城邏卒旁午察事甚于周之監諉將帥剝下賂上給
怨三軍道路捕人爲卒結怨百姓皆非治世事上嘉納乃
戢邏卒罷承受更定樞密管軍班次解存中兵權金兵犯
邊起錡制置淮浙浚帥金陵其言大畧施行除著作郎三
十年正月風雷雨雪交作十朋遺陳康伯書勸以力陳春
秋災異之說崇陽抑陰以弭天變遷大宗正丞孝宗受禪
擢知嚴州歷司封郎中國子司業言人主之職大者有三
任賢納諫賞罰今居位者往往職事不舉宜有以革之上
然其言除起居舍人升爲郎兼侍講擢侍御史將北伐十
朋上疏曰天子之孝莫大于光祖宗安社稷昔夏少康商

氏姓譜

卷十四

七陽

王氏

九

高宗周成康宣王漢文景宣帝光武唐太宗諸君迹雖不
同爲孝則一陛下天縱英武志在興復比因宣名語及陵
寢惻然改容曰四十年矣推此心真可對越以上數君願
戒在位者去附和之私心贊國家之大計則中興日月可
冀矣因條史浩入罪出知紹興十朋再疏論浩嘗爲其郡
屬吏姦賊彰聞何顏復與吏民相見遂改與祠又論史正
志與浩異族傾險姦邪觀望求進不恥以父事之林安宅
出入史浩龍大淵門盜弄威福詐病致仕遂皆罷去張浚
出師十朋言師以弔民爲主宜先招納不獲已而戰伐隨
之乞以此戒浚金將旣降速加爵賞以勸來者上皆嘉納
浚兵潰十朋復疏上爲之默然改吏部侍郎力辭出知饒
州時饒久旱入境而雨並湖盜賊出沒聞十朋至一夕遁
去丞相洪适請故學基金益其圃不孳移知夔徙湖州湖民

苦積霖入境卽霽戶部責虛逋三十四萬命吏持券往辦
不聽卽請祠去起知泉州十朋凡歷四郡布上恩恤民隱
勩貢闈以禮致士之賢者朔望會諸生學官講經詢政僚
屬間有不善反復告戒俾之自新民輸科使自槩量聞者
相告願償其逋訟至溫詞曉以禮義多退聽者所至民繪
而祠之去日老稚攀留涕泣越境以送旣去猶思之如父
母東宮建以十朋舊學除太子詹事詔州郡禮致力疾朝
謁待遇有加告老詔免朝參以龍圖閣學士致仕命下卒
時年六十諡忠文十朋事親孝終喪不處內友愛二弟郊
恩先奏其名扁書其室曰不欺以諸葛亮顏真卿寇準范
仲淹韓琦唐介自况朱熹張栻雅敬之子聞詩知光州提
點江東刑獄聞禮知常州江東轉運判官皆篤學自立爲
治能守家法人亦思慕之

氏姓譜

卷十四

七陽

王氏

十

王信字誠之麗水人入太學登紹興進士除建康教授父
憂服除進所著唐太宗贊及負薪論孝宗嘉之授太學博
士須次徙外教授温州郡飢疫議遣官振救父老願得信
任其事信欣然爲行徧至病家全活不可勝記尋除勅令
所刪定官凡法令有不合人情自相牴牾吏得以傳會出
入者悉釐正之轉對言太學正錄所掌規矩而員多博士
所掌訓導而員少請升正錄兩員爲博士從之又論除官
冗胥之敝乞精選監司慎擇名籍郡將代半歲乃注上親
以其章授宰臣施行權考功郎官蜀人張公遷初八年免
銓至是改秩吏妄引柅之信鉤考其故吏怖服又有實礙
選式吏受賕爲地托工部尙書趙雄屬信信弗從旣而雄
轉吏部閱審成牘乃愧謝信武臣給告不書年齒磨轉蔭
薦肆爲姦欺信爲擿最者數事付大理獄因請置籍以息

後患毋憂起知永州入奏事留爲將作少監兼右司郎官
轉對論士大夫趨向之敝上納之升左司員外郎兼玉牒
所檢討提領戶部酒庫改中書門下檢正諸房文字遷太
常少卿兼權中書舍人假禮部尙書使金犇射都亭連中
其的信書得米芾筆法金人寶之歸言金人必衰之兆有
四在我當備之策有二上首肯之遷給事中提舉德壽宮
宦者甘昇旣逐復入信執奏之舉朝皆悚上語洪邁曰太
上皇后聖訓言小黃門多不習事獨昇可任責分吾憂朕
以是駁疏不欲行卿見王給事可道此意信聞之乃止信
遇事剛果論奏不避權要人多嫉之信亦力求去提舉崇
福宮詔求言信條十事以獻起知湖州據案剖析敏如流
泉擢集英殿修撰知紹興府浙東安撫使奏免逋官錢絹
絲米以百萬計山陰境有湖四環皆田歲苦潦信創起斗

氏姓譜

卷十四

七陽

王氏

十一

門導停瀦注之海築十一壩化滙浸爲上腴民繪象以祠
更名其湖曰王公湖築漁浦隄禁民不舉子買學田立義
冢諸廢畢舉加煥章閣待制徙知鄂州改池州初信扶其
父喪歸自金陵草履徒行雖疾風甚雨弗避由是得寒溫
疾及聞孝宗遺詔悲傷過甚疾復作至是寢劇上章請老
以通議大夫致仕有星隕其居光如炬不及地數尺而散
數日信卒所著有是齋集

王居安字資道黃巖人初名居敬字簡卿避嫌名改自幼
聰慧讀孝經卽知夫子教人以孝劉孝遹令賦七月八夕
詩援筆成之綽有思致驚拊其背曰子異日名位必過我
入太學登第授徽州推官雨艱服闋改江東提刑司幹官
入爲國子正召對首言入主當務知人安民之要遷校書
郎乞召試執政謂蘇師旦建節朝廷尙不較况館職乎居

安因極論祖宗時惟進士第一不試蘇軾以高科負重名英宗欲授館職韓琦猶執不從至于節鉞之重文非位極武非勲高胡可妄得今言不較過矣改司農丞御史迎意論劾奉仙都觀祠踰年起知興化軍條奏便民要務乞行經界罷蕃船通商賈以損米價誅劇盜以去民害召爲秘書丞改著作郎領國史實錄院兼權考功郎官擢右司諫謀誅韓侂胄居安實贊其決繼兼侍講直呂祖儉祖秦之寃以伸忠鯁之氣論趙彥逾爲萬世罪人始忿趙汝愚不與同政遂啟侂胄專政之謀不當與樓鑰林大中章燮並名凡爲諫官纔十八日遷起居郎兼崇政殿說書奏陛下特遷臣者欲使不得言耳若論祖宗之法二史並得直前奏事中書雷孝友論其越職奪官罷去太學諸生舉幡乞留楊簡項安世致書謂爲吾道增重乃人中龍也踰年復

氏姓譜

卷十四

七陽

王氏

十一

官起知太平州當邊遠甫定復遇歲儉汰卒羣聚寇攘藉其威惠境內宴然副將劉祐爲怨家告密自誣服居安爲直其事因得昭雪進直龍圖閣提點浙西刑獄有戚屬葛憚家富于貲嘗憾父嬖誣以奸盜株連瘦死數人居安閱實捕論流徙池州入覲上稱爲有用之才命以集英殿修撰知隆興府黑風峒羅世傳倡盜江西帥欲買降以爲功賊謀益逞合聚李元勵陳廷佐之徒並起永新龍泉列城皆震朝廷憂之共推居安爲帥兼領郡事命節制江池大軍駐廬陵爲書曉都統制許俊賊勝則民皆爲賊官軍勝則賊皆民勢之翕張決于此舉將軍素以勇名挫于山賊可乎俊得書皇恐親往督戰勝于黃山賊懼走韶州爲摧鋒軍所敗其勢日蹙會元勵執練木橋賊首李才全至居安故爲厚待重賞以疑其心二賊交惡乃密令練木賊黨

襲擒元勳以獻與青草峒賊並磔于吉之南門又設方畧
遣官民兵圍之世傳自經死斬首以狗羣盜次第遂平居
安本起書生軍事不學而能賞信罰明將吏盡力始終用
以賊攻賊之策故兵民無傷江西人戶而祀之刻石紀功
徙鎮襄陽以言罷嘉定十五年與魏了翁同名遷工部侍
郎理宗進敷文閣知福州升龍圖閣直學士提舉崇福官
將行盜寇起寧化以書諭汀守曰汀地土瘠民貧盜可盡
禁刑且彼執三首惡以自贖宜治此三人他可勿治事聞
卽委居安以招捕募軍校劉華邱銳授以計畫賊已至郡
州人夫懼知帥有撫納意復引退華銳出入賊中指期約
降有以右班攝汀守者倔彊好大言自負知兵欲出不意
以爲已功賊知其謀遂敗降約旣而建劍江西嘯聚蜂起
議益不合居安喟然歎曰吾可復求焦頭爛額功邪卽拜

氏姓譜

卷八十四

七陽

王氏

七

疏歸未幾卒累贈少保有方巖集行于世

王萬字處一家世婺州父游江淮生萬于濠州自幼忠伉
有大志究心當世急務尤精邊防要害登進士調和州教
授端平元年主管吏部架閣遷國子學錄三年授密院編
修嘉熙六年權屯田郎中轉對言天命去留原于君心陛
下三而思之凡惻然有觸于心而未能安者皆心之未能
同乎天者也天不在他苟陛下之心皆與天合永永勿替
卽其命在我矣差知台州食惟蔬飯事至立斷吏無所售
其姦往往改業上下肅然郡以大治在台五月遽乞祠久
之遷屯田員外郎兼國史編修轉對願君臣上下盡克私
心以服人心則天意可回遷尙右郎官兼崇政殿說書尋
擢監察御史論史宅之不當復玷從班嵩之事體迫遽氣
象傾搖可爲太息疏入罷言職遷大理少卿卽日還常熟

寓舍凡遷官皆力辭乞休轉朝奉郎守太常少卿致仕卒
後帝思萬先見親賜御札稱其立朝蹇諤有古遺直爲郡
廉平有古遺愛兼聞母老家貧賜新會五千貫田五百畝
以贍其家其學專有得于時習之語謂學莫先于言顧行
言然而行未然者習未熟也熟則言行一致矣故終其身
設施論諫皆根于中心遺文有時習編及奏劄十卷

王遂字去非一字穎叔韶之元孫後家金壇登嘉泰進士
調當陽主簿差幹辦諸司審計司景定三年福建寇擾甫
定詔選賢能吏勞來安集除遂知邵武軍兼福建招捕司
參議官至則撫摩瘡痍翦平凶孽民恃以安未幾以言罷
知安豐軍遷國子太常二簿理宗親政拜監察御史疏奏
進君子退小人正風俗息奔競四事又言朝廷忽臣之言
謂史嵩之小黠爲大智近功爲遠畧必欲僥倖于不敗非

氏姓譜

卷十四

七陽

王氏

齒

爲國至計也欺君誤國天下知之朝廷猶且惑焉帝于知
仁勇之學有未至矣遷右正言拜殿中侍御史又上疏言
君德必統乎剛早起夙興思惟急務在朝廷者五定規摹
明意嚮一心力謹事權審號令在邊閫者六恤歸附精間
諜節財用練士兵擇將才計軍實帝皆善之歷官至華文
閣直學士知建寧隆興爲江西轉運副使兼安撫使赴闕
權工部尙書遂與劉宰同里合志稱其爲文雅健無世俗
浮靡之氣足以名世守平江時宰嘗贈之言曰士友當親
而賢否不可不辨財利當遠而會計不可不明折獄以情
毋爲私意所牽薦士以才毋爲權要所奪當言則言不視
時而退縮可去則去不計利而遲回庶幾名節之全不愧
簡冊所載蓋格言也

王明字如晦大名成安人應舉不第原州刺史藥元福辟

爲從事及領陳州防禦事多咨明旣又奏署建雄軍節度掌書記賜緋魚後移鎮陝元福特功驕恣明數以直諫忤其左右因謝去詣闕上書求任州縣歷清平堰城二合宋初佐高繼冲募復掌武寧軍書記乾德初詔近臣舉清白有吏幹者給事中馬士元薦名爲左拾遺蜀平選知榮州代歸遷右補闕征嶺南爲荆湖轉運使開寶間復爲隨軍轉運嶺南山路險絕舟車不通明但以丁壯轉遞供億不闕每下一城必先收簿書守倉庫旣而賀州未下明謂當急攻之恐援兵至則勝負未可知諸將頗猶豫明乃擐甲胄率所部護送卒百人擁丁夫數千荷畚鍤埋溝塞塹直抵城門城中懼開門納欵遂據有之因抵廣州賊衆十餘萬拒戰是夕大風發屋折木明獻計選丁壯人持二炬間道先擣賊壘大軍蓐食以待俄頃萬炬皆發焚其外柵賊

氏姓譜

卷十四

七陽

王氏

七

驚犯大軍因逆擊之斬首數萬張以城降捷聞上嘉其功擢秘書少監領韶州刺史仍充轉運徧歷部內視民疾苦奏除無名科歛代歸太祖召見勞問賜襲衣金帶鞍馬復以爲黃州刺史密授成算令完葺城壘訓練士卒無何王師自荆渚順下以爲池岳江路巡檢戰擢都部署破鄂州軍萬餘斬首三百級殺江南七百人拔樊山砦又破江州軍獲船十餘艘敗湖口軍奪戰艦五百遇南唐將朱令贇領衆將焚采石浮梁帝恐金陵圍解亟令率所部舟師屯獨樹口密樹長木于洲浦間若舳檣狀令贇望見果疑大軍襲其後逗撓不敢進明移檄諸軍相爲犄角至小孤山合勢大破之擒令贇卒大半皆赴水死金陵平詔明安撫諸郡擢知洪州太宗卽位兼領江南諸路轉運使名爲右諫議大夫充三司副使判鹽鉄事遷給事中淳化初卒時

王贊周世宗時爲右驍衛將軍三司副使所至發奸擿伏無所畏忌自五代以來姑息藩鎮有司不敢繩以法及是振舉綱領號爲稱職大祖素知贊材幹平李重進令知揚州行日舟覆溺死甚爲嗟悼賻以絹麥各三百云

王希逸字仲莊顯之子幼好學聚書萬卷尤熟唐史以蔭補供奉官換秩授朝奉大夫太子中允咸平初改殿中丞直史館預修冊府元龜加祠部員外郎希範至如京副使王延德開封東明人曾祖定濮陽令祖瑋相州錄事參軍父溫遭契丹亂率鄉豪捍蔽境內里人德之宣祖掌畿甸兵與溫厚善時延德方總角愛其謹重名置左右太宗尹京署爲親校專主庖膳尤被倚信卽位授御厨副使遷正使從征太原加尙食使賜浚儀縣壽昌坊第宅一區俄領

氏姓譜

卷八十四

七陽

王氏

去

蔚州刺史兼武德皇城司御輦院左藏庫凡領五印懇讓始罷左藏御厨又兼充親王諸宮使以舊恩每延訪外事延德謹慎不言端拱初轉本州團練使後當進秩特置昭宣使以寵之與杜彥鈞同領至道二年加平州防禦使眞宗改懷州永熙陵復土提點緣路供頓咸平初出知華州俸給優厚從其請罷昭宣使幸大名爲東京舊城都巡檢使風痺告還本郡卒年六十四贈邕州觀察使所至撰集近事有司膳錄皇城紀事南郊錄版築記又有永熙皇堂錄山陵提轄諸司記治郡復有下車奏報錄纂修實錄多訪之乃上南宮事迹三卷子應昌莊宅使端州團練使

王繼升冀州阜城人性純質謹愿太宗居藩信任之補供奉官遷軍器庫副使陳洪進納土以爲泉州兵馬都監會游洋洞民萬餘叛攻城繼升率精騎夜擊破之擒其魁械

送闕下餘黨悉平名還遷軍器庫使領順州刺史知諸道
陸路發運事雍熙四年併水陸發運爲一司命掌其事號
爲稱職遷右神武將軍端拱初領本州團練使卒年六十
四贈洋州觀察使

王漢忠字希傑彭城人少豪蕩有膂力形質魁岸善騎射
高繼冲召不往見太宗于晉邸奇其材力留置左右卽位
補殿前指揮使累遷內殿直都知征太原先登流矢中眸
戰益急上壯之遷東西班指揮使太原降漢忠以所部安
撫城中師還改殿前左班三遷右班都虞候領涿州刺史
雍熙中改馬步軍都軍頭端拱初出爲賓州團練使歷冀
貝二州部署徙天雄軍二年入爲侍衛馬軍都虞候領洮
州觀察使高陽闕副都部署合諸軍擊敗契丹斬馘甚衆
淳化初徙定州五年遷殿前都虞候眞宗自中山名歸俄
氏姓譜

卷八十四

七陽

王氏

七

復出爲高陽闕都部署領威塞軍節度使咸平三年移涇
原環慶兩路兼安撫使遷侍衛馬軍都指揮鎮定高陽闕
三路都排陣使契丹掠中山率諸將陣于野契丹遁追斬
甚衆獲其貴將加殿前副都指揮使改節保靜軍五年坐
違詔無功責左屯衛上將軍出知襄州未上道暴卒贈太
尉錄其子內殿崇班從吉爲閤門祇候從政從益爲左右
侍禁漢忠性剛果輕財樂施有識畧好讀書頗能詩喜儒
士待賓佐有禮行師號令甚肅犯者無寬貸故所部無盜
王繼英祥符人少孤寄育于外氏稍長從趙普給筆札普
罷相從者皆散繼英趨事愈謹普再入隸名中書五房眞
宗在藩邸太宗選爲導吏兼內知客事名語曰汝昔事普
朕所備知今奉儲官尤宜盡節卽位擢引進使咸平初累
遷左神武大將軍樞密都承旨改容省使契丹入寇密請

車駕北巡上從之命馳傳詣鎮定高陽關關視行官備頓
宣諭將士俄充澶州鈐轄與傅潛卽軍中同名還屬吏尋
掌三班院拜宣徽北院使同知樞密院事小心慎靖以勤
敏稱上頗倚任之景德初拜樞密使嘗因進補軍校或訴
繼英蒙蔽不爲薦引上曰此輩正須因事立功方許擢用
不可過求僥倖從幸澶淵還加特進檢校太傅卒年六十
一上臨哭賜白金贈太尉兼侍中諡曰恭懿又爲其祖父
營葬贈妻賈氏長樂郡太夫人錄子遵式遵誨遵度遵範
皆顯官壻與門下親吏又數十人外王父諸舅有旅殞者
亦詔有司給辦

王光祖字君俞涇原將珪之子也以蔭歷官提點河北刑
獄訟邊安撫都監進副使熙寧中界河巡檢趙用擾北邊
契丹將蕭禧引兵數萬壓境造浮橋將欲濟師光祖單舟
氏姓譜

卷十四

七陽

王氏

六

臨之人或以爲危答曰彼來欲得趙用耳避之則勢益張
吾死不足塞責已而契丹欲相與言卽命子襄冒白刃往
語敵意在趙用襄隨機折之蕭禧遽揮兵去且邀襄食
付所戴青羅泥金笠以爲信光祖卽上之除爲眞定鈐轄
尋徙梓夔命與內藏庫使楊萬皆受能本節度征討渝獠
分三道進師本疑光祖不爲用使將後軍出黃沙坎比發
日已暮夜半抵絕頂質明獠望見大駭一鼓而潰萬等困
于松谿又亟往援出石門斂其險促黔兵先登賊舍而去
光祖夜泊松嶺上旦始遇萬遂與俱還本愧謝上其功第
一吐蕃圍茂州復領兵三千會王中正破雞宗闕賊據石
鼓村扼其半道中正名諸將問計光祖獨請行抵其處擇
銳兵分襲吐蕃背出不意皆驚遁瀘州夷乞弟犯邊寇戎
州兵官王宣等戰沒詔光祖從韓存寶會兵討之軍于梅

嶺夷屯數萬衆欲老我師光祖勸存寶早決戰不聽林廣
至復從征蕩其巢穴積功至四方館使知瀘州初置瀘南
安撫使俾兼領邊事聽頗決遷客省使嘉州刺史歷涇原
河東定州路副總管卒

王文郁字周卿鄜州新秦人初爲供奉官至府州巡檢韓
琦薦加閣門祇候麟府駐泊都監熙寧間數敗夏人于吐
渾河其將香崖夜遣使以劍爲信欲舉衆降許之衆情忽
變大譟而出文郁擊之追奔二十里賊據險大戰矢下如
雨文郁激將士曰爾曹皆百戰驍勇今前迫彊敵後背天
險此韓信破趙時也士感奮進擊大捷遂降之遷通事舍
人夏人踰屈野河掠塞上文郁追至長城坂盡奪其所掠
而還神宗召見問以招納香崖之議對曰此乃致敵上策
恨未能多耳並邊生羌善馳突識鄉導儻能撫柔之所謂
氏姓譜

卷八十四

七陽

王氏

九

以彘攻彘也帝于是決意招納多獲其用文郁善左射帝
親閱試九發八中官其二子知鎮戎德順軍預定洮河功
遷左騏驎副使知麟州夏衆踐稼文郁襲敗之部使者劾
爲生事奪郡印未幾爲熙河將從李憲討靈武遷路鈐轄
夏人圍蘭州已奪兩關門文郁募死士夜縋而下持短兵
突戰賊敗掃營去擢東上閣門使知蘭州諜知夏將大入
清野以俟夏人果趨皇蘭文郁乘城禦之殺傷如積圍九
日而解收其尸築京觀以功累遷殿前都虞候知河州築
安西城金城闕進秦州防禦冀州觀察使卒年六十六
王恩字澤之開封人以善射入羽林神宗閱衛士挽強中
的且偉其貌補供備庫副使爲河州巡檢與夏人搏戰蘭
州城下中兩矢拔去復鬪意氣靡厲遷涇原將嘗整軍出
萬惠嶺士飢欲食恩倍道兼行衆始洵洵已而遇敵數萬

恩引兵先入壁并竈皆具諸將始服羌扣壁願見恩單騎徑出遙與語一夕引去哲宗召見語左右曰先帝時宿衛人皆傑異如此留爲龍神衛都指揮使遷馬軍都虞候伴契丹使聞其名相視歎息出爲涇原副都總管并護秦渭延熙四路兵城西安築臨羌天都十餘壘羌圍平夏諸校欲出戰恩諭以賊傾國遠寇難與爭鋒宜以謀制其傲乃堅壁清野使萬人設伏羌無所掠而退師果大獲徽宗立以衛州防禦使徙熙河改知渭州括隱地二萬三千頃分弓箭士耕屯爲三十一部以省餽餉邊臣獻車戰議恩言古今相去益遠人非所習緩急難用先自取敗遷馬步軍殿前都指揮使武信軍節度使賜居宅又賜城西地爲園囿有疾以檢校司徒致仕卒年六十贈開府儀同三司

王吉甫字邦憲同州人舉明經練習法律試斷刑入等爲

氏姓譜 卷全四 七陽 王氏 辛

大理評事累遷刑部員外郎舒直坐官燭事執政欲律以自盜吉甫持不可南郊起幔城督役嚴急董者曰此殆類白露屋耳役卒以聞吏論死神宗怒甚吉甫求對從容言非詛呪不應死帝爲霽威得釋走馬使言蘇軾南遷所過郡守延館迎禮吉甫議當笞章惇不悅太倉火議誅守者吉甫又力爭之皆如所請其持論寬平類此請外知齊州徙梓州梓爲東川壯藩戶口最盛轉運使欲增折配以取羨餘吉甫曰民力竭矣一增不可復減吾寧貽使者怒忍爲國歛怨爲民基禍哉竟拒之生平老于爲吏廉介不回累提點梓州路京畿刑獄開封少尹知同邢漢三州以中大夫卒時年七十

王衣字子裳歷城人以門蔭仕中明法科歷深冀二州法曹掾入爲大理評事陞寺正襄州僧杜德寶毀體然香有

司希林靈素意捕逮下獄內批有害風教當竄流衣據律
自傷者杖力爭之坐停官予祠尋起刑部員外郎累遷大
理少卿韓世忠獻苗劉俘付大理獄衣奏內婦女有雇買
及鹵掠者高宗矍然曰朕慮不及此詔自傳正彥妻子外
皆釋之范瓊下大理不伏衣責以靖康圍城中逼遷上皇
擅殺吳草迎立邦昌事瓊語塞稱死罪賜死釋其親屬將
佐陞大理卿帶御器械王球爲龍德宮都監自盜寶玉器
玩帝怒亟令加誅衣奏向非球隱匿則盡爲敵有何從復
歸國家乃寬之先時百司愆戾付寺劾者至三問取伏狀
皆莫敢辨衣奏伏與辨係二事若一切取伏是以威迫之
不使自直非法意也乞三問未承者聽辨從之詔同詳定
一司勅令剛雜犯死罪四十七條書成帝嘉其議法詳明
紹興元年權刑部侍郎除集英殿修撰奉祠衣洞見事理

氏姓譜

卷八十四

七陽

王氏

三

質直和易持法不阿趙令疇薦之爲言者所格卒于家
王希呂字仲行宿州人寓居嘉興登乾道進士名試授秘
書正字除右正言與侍御史李衡交劾張說悞恩言甚切
至上怒欲起希呂挽御衣前畢其說上疑其朋黨邀名令
責遠小監當旣而改授宮觀希呂恬不爲悔直聲聞遠邇
擢知廬州淳熙二年除吏部員外郎尋轉起居郎准右擇
帥令兼安撫使修葺城守安集流散兵民賴之五年召除
中書舍人除端明殿學士知紹興府治郡百廢俱興尤敬
禮文學端方之士天資剛勁遇利害無所回護惟是之從
佐漕江西時嘗作拳石記以示僚屬有幕官改竄數字舉
坐駭愕希呂喜其不阿薦之性廉潔去官至無屋可居寓
居僧寺上聞之賜錢造第後以疾卒

王阮字南卿父彥博靖康勤王有功阮少好學尙氣節自

稱將種辭辯奮發四坐莫能屈嘗謁張栻栻令往見朱熹
與語大說之登隆興進士廷試對策議論宏偉知貢舉范
成大得而讀之歎爲人傑調都昌主簿有廉聲紹熙中知
濠州請復曹瑋方田修种世衡射法日講守備與邊民親
訪北境事宜終阮任金不敢犯改知撫州韓侂胄聞其名
特命入奏將誘以美官阮不答私語所親曰吾聞公卿當
擇士士亦當擇公卿劉歆柳宗元失身匪人爲萬世笑今
政自韓氏吾肯出其門哉陛對畢拂衣出闕侂胄大怒予
祠阮遂歸隱廬山盡棄人間事從容觴詠而卒

王質字景文其先鄆州人後徙興國博通經史善屬文游
太學與阮齊名每云聽景文論古文如讀酈道元水經名
川支流貫穿周匝無有間斷與張孝祥父子游深見器重
著論五十篇言歷代君臣治亂謂之朴論登進士應宣諭

氏姓譜

卷十四

七陽

王氏

三

汪澈都督張浚辟爲屬未幾除太學正上疏孝宗天子心
知質忠而忌者讒質年少好異論遂罷去虞允文宣撫川
陝辟與偕行一日命草檄契丹文援毫立就辭氣激壯允
文起執其手曰景文天才也入爲勅令所刪定官遷樞密
院編修允文當國極知質鯁亮不回且文學推重于時將
除右正言爲中費用事者所沮出通判荆南府改吉州皆
不行奉祠山居絕意祿仕卒

王寔字定叟東陽人大父豪以誅方臘功補官寔少有奇
氣嘉定四年試武舉中絕倫異等喬行簡喜曰爲朝廷得
一將才矣授承節郎爲鄂帥鍾興嗣隨軍都錢糧官尋守
禦黃州制置使李璣辟致幕下于軍事知無不言謂招募
良家子不可以負緣旨濫防守江面全賴正軍若義勇民
兵特可爲聲援耳今羸病者多兵械損舊豈不敗事調兵

防江當于江岸創屋居之使專心守禦理宗卽位差充浙西副都監湖州駐劄值潘甫事方定因綏撫之鎮江都統趙勝辟爲計議官時李全寇亂勝出戍揚州屬官多憚從行震慨然曰此豈臣子辭難之日至揚子橋聞賊兵在南門竟赴之身先士卒大小十八戰無不利奪賊壕築土城焚城門賊氣爲懾差知應州兼沿邊都巡檢使節制黃浦後營彈壓諸道軍馬諸道兵二十萬將往收復楚州震帥所部爲犄角之助薦試閤門舍人人對言恢復之說帝稱其言可采陞武功大夫出知濠州賜金帶至州節浮費糶粟買馬以備不虞特轉橫班諸使北兵至浮光民奔遁相屬朝議以震移知光州兼沿邊都巡檢使震冒雪夜行倍道疾馳至州分遣間探整飭戰守之具大戰于謝令橋光人以安督府魏了翁致書慰安以緡錢十萬勞其軍求去

氏姓譜 卷十四

七陽 王氏

三

除吉州刺史仍知光州固辭丞相鄭清之制使史嵩之以書留震霆不從曰士大夫當以世從道不可以道從世再授閣門舍人達州刺史右屯衛大將軍兼知蘄州亦不赴遷淮西馬步軍副總管兼游擊軍副都統制論游擊軍十事不報奉崇禧觀祠起知高郵軍流民弟邦傑聚衆爲盜霆鐵其渠魁餘黨悉散時議出師諸軍畢行霆言莫若遣間覘敵情如不得已然後行之否則無故自蕩其根本是外兵未至而內兵先慘烈也雖大與時迂而境內獨安讒者益衆復奉雲臺觀祠賈似道欲移之齊安霆謂防秋已急邊守不宜臨時更易蓋少需之乃授帶行左領軍衛大將軍充沿江制置司計議官撰沿江邊誌一編以獻制使董槐鄧泳交薦差知壽昌軍改蘄州建學舍祠忠臣生平處宗族有恩其父析業獨以讓其兄嘗訓子弟曰窮理盡

性學之本也有王溪集行于世

王邁字貫之仙游人登嘉定進士爲潭州觀察推官內艱
調浙西安撫司幹官會廷試詳定官王元春欲私所親寘
高第邁槌其繆元春怒嗾諫官李知孝誣邁在殿廬譁聲
調南外睦宗院教授真德秀守福州邁竭忠以裨郡政名
試學士院對策論楮幣德秀聞邁對善之或傳史嵩之復
用邁言嵩之姦儉刻薄天下共知借使復用則君子空于
一網矣邁由疎遠見上空臆無隱上頗優容之言者劾其
過當改通判潭州禋祀雷雨邁應詔言君不可欺天臣不
可欺君厚權臣而薄同氣爲欺天之著天與寧考之怒久
矣麴孽致疾妖冶伐性初秋踰旬曠不視事道路憂疑綱
淪法斲上行下效京卒外兵狂悖迭起陛下不是之思方
用故事策免三公環顧在廷莫知所付乃遙相崔與之臣
氏姓譜一 卷十四 七陽 王氏 三

恐與之不至國柄必他有所屬此世道否泰君子小人進
退之機也于是臺官李大同言邁交結德秀了翁咨夔以
收虛譽削一秩免蔣峴又劾邁妄論倫紀請坐以罪削二
秩淳祐改元復通判吉州江萬里言邁其才可惜不名將
有老不及之歎帝以爲然有尼之者祇除知郟武軍以充
早應詔驛奏七事復以立濟王後爲先鄭清之名爲左司
郎官直秘閣提點廣東刑獄力辭改侍右郎官予祠卒贈
司農少卿邁本以學問詞章發身尤練世務李宗勉嘗論
邁然邁獨許宗勉爲近世賢相徐清叟與邁有違言邁應
詔謂清叟有人望可用故世服其公云
王登字景宋德安人少讀書喜古兵法慷慨有大志不事
生產出孟珙幕府久之權知巴東獻俘制司登自以書生
不屈竟棄功去淳祐四年舉進士調興山主簿總領賈似

道檢修江陵城條畫有法制使李曾伯經理襄陽登在行
以功陞將作監丞丁母憂去及吳淵復至邊事甚亟因憶
登才畧具書幣招之登拜家廟而行盡發其家牛犒師至
軍淵亟呼諸將共議衆歡躍曰景宋在此淵問汝輩欲出
西門景宋欲從方城如何衆曰惟命時未有主者登患用
兵不一請五大帥中擇一人爲節制淵卽書銀牌曰監丞
代某親行將士用命與否賞罰畢具申登至沙市推牛醢
酒得七千人誓曰登與諸將義同骨月今日之事登不用
命諸將共殺登以獻主帥諸將有不用命制劄具在登不
敢私衆股栗聽命竟立奇功于沮河趙葵相見握手曰景
宋一身俱胆惜相見晚也俾叅宣撫司兼京西兩節馬光
祖辟充參謀官遷軍器少監京西提點刑獄以督襄陽戰
功陞直秘閣威聲日振有余思忠讒于光祖出登屯郢州

氏姓譜

卷十四

七陽

王氏

五

侍御史戴慶珂劾思忠其黨過元龍沈翥在幕中又傾之
以是議論不合才畧不能施識者惜焉開慶元年登提兵
援蜀約日合戰夜分經理軍事忽絕倒五藏皆出血幕客
唐舜申至尙瞪目視几上文書俄卒事間朝議以登功雖
未成賫志而歿特贈五官錄其一子云

王柏字會之金華人祖師愈崇政殿說書父瀚朝奉郎主
管仙都觀柏少知家學淵源捐去俗學勇于求道與其友
汪開之著論語通旨至居處恭執事敬惕然而歎更號魯
齋何基作魯齋箴勉之柏質實堅苦有疑必質于學庸語
孟綱目諸書標注點校尤爲精密作敬齋箴圖夙興謁祖
廟治家嚴飭當暑閉閣靜坐子弟白事非衣冠不見其事
伯兄甚恭撫季弟之孤割田養贍收合宗族周恤扶持闕
之沒貧無斂葬悉力爲之諸生來學者衆必先教以大學

蔡抗楊諫相繼守婺趙景緯守台聘爲麗澤上蔡兩書院
師鄉之耆德皆執弟子禮理宗崩率諸生製服哭臨卒之
日整衣冠端坐揮婦人勿近楊文仲請諡文憲德祐元年
贈承事郎所著述甚多有讀易記涵古易說大象衍義涵
古圖書讀書記書疑詩辨說讀春秋記論語大極衍義伊
洛精義研機圖魯經章句論孟通旨書附傳左氏正傳續
國語文章復古續古濂洛文統擬道志朱子指要詩天文
地理考墨林考爾雅六義字原帝王歷數江右淵源襍志
周子發遣文章指南朝華集紫陽詩類家乘文集行于世
王應麟字伯厚慶元府人父撝知徽州有惠政嘗進忠諫
于朝丁大全欲致之不可得同日雙生二子曰應麟應鳳
應麟九歲通六經從王桎學登淳祐進士調西安簿知縣
翁甫聞諸校欲爲亂倉皇不知所出應麟以理論服之差

氏姓譜

卷个四

七陽

王氏

美

監平江百萬倉調浙西常平茶鹽主管帳司父憂服除改
揚州教授應麟常言今之習舉業者苟沽名譽得則一切
委棄于典章制度漫不加省非國家所望通儒乃閉門發
憤假館閣書讀之與弟應鳳相繼皆中博學宏詞科詔書
褒美添差浙西安撫司幹辦公事帝御殿策士名應麟覆
考得第七卷讀之乃頓首曰是卷古誼若龜鏡忠肝如鉄
石敢爲得士賀帝悅寘首選及唱名乃文天祥也久之歷
主管三省密院架閣文字國子學錄武學博士疏言當今
事勢艱難輿圖益感人才日乏民力日殫宜強于爲善增
修其德無自沮怠恢宏士氣操綱紀而明委任謹左右而
防壅蔽求哲人以輔後嗣帝嘉之遷太常主簿時丁大全
諱言邊事奏罷應麟未幾丁敗起爲台州通判累遷秘書
郎兼沂王府教授彗星見言應天變莫先回人心回人心

莫先受直言箝天下之口沮直臣之氣如應天何改著作
郎度宗立權直學士院兼崇政殿說書值人日大雪帝問
故事應麟誦唐李嶠等應制詩以對因奏春雪過多民生
飢寒方寸仁愛宜謹感名除將作監轉對言人君防未萌
之欲存不巳之誠擢侍立修注官秘書少監兼侍講疏論
市舶不報又兼起居中書二舍人會賈似道入相葉夢鼎
江萬里各求去似道亦求去應麟奏孝宗朝闕相者亦逾
年似道聞之大怒語包恢曰我去王伯厚無難第此人素
著文學不欲使天下譏我棄名士彼盍少自貶恢以告笑
曰迕相之患小負君之罪大適遇冬雷應麟言十月之雷
惟東漢數見迺命令不專姦邪並進卑踰尊外陵內之象
當清天君以答天命體天德以回天心守成必法祖宗御
治必總威福似道決意逐之應麟牒閣門直前奏對謂用

氏姓譜

卷八十四

七陽 王氏

三

人宜先察君子小人方袖疏待班臺臣亟疏駁之罷爲秘
閣修撰主管崇禧觀由是二史直前之制遂廢久之起知
徽州父老喜曰此清白太守子也至則抑豪右省租賦民
大悅之名爲秘書監兼國史編修實錄檢討權吏部侍郎
指陳成敗逆順之說且曰國家所恃者大江議不容緩今
乃從容如常事幾一失恐生不測帝不憚會以母憂去似
道潰師江上授應麟中書舍人兼直學士院卽疏陳十事
遷禮部侍郎日食陳備禦十策皆不及用尋轉尚書兼給
事中又奏留夢炎姓令慢諫讜言弗用今之賣降者多其
任用之士疏再上不報出關俟命再奏因危急而紊紀綱
以偏見而拂公議勢不當留遂東歸朝議奪其要路寵以
清秩詔中使譚純德名授翰林學士應麟力辭家居後二
十年方卒所著有深寧集一百卷通鑑地理考一百卷玉

海二百卷又掖垣類稿詩考詩地里考漢藝文志攷證通鑑答問困學紀聞蒙訓集解踐阼篇補注急就篇并王會篇小學紺珠詞學指南題苑筆海姓氏急就篇漢制攷六經天文編小學諷詠凡六百九十餘卷行于世

王禹偁字元之濟州鉅野人九歲能文畢士安見而器之登進士授成武簿就改大理評事知長洲太宗聞其名名試除右拾遺直史館賜緋故事給塗金銀帶上命特以文犀帶籠之因獻端拱箴以寓規諷又獻禦戎十策大畧帝深嘉之命校三館史書多所釐正因策試貢士名禹偁賦詩立就上悅拜左司諫知制誥京城早疏請首滅已俸以贖耗蠹之咎上自乘輿下至百官宿衛軍士邊廷將帥悉第減之外則停歲市之物內則罷工巧之伎近城掘土侵冢墓者瘞之外州配隸非贓盜者釋之其餘軍民刑政之

氏姓譜

卷八十四

七陽

王氏

天

弊望委宰臣裁議頒行未幾判大理寺坐抗論妖尼道安罪貶商州團練副使移解州名還拜左正言直昭文館帝以禹偁性剛直不容物命宰相戒之丐祠知單州賜錢三十萬名爲禮部員外郎屢獻便宜乞明數李繼遷罪曉諭蕃漢重立賞賜高與官資不必勞力而誅自可用計而取後卒如禹偁言至道元年拜翰林學士知審官院兼通進銀臺司坐議孝章皇后喪禮忤旨罷爲工部郎中知滁州改揚州真宗卽位應詔陳五事疏奏名還復知制誥咸平初預修太宗實錄直書時事宰相張齊賢李沆不協意其議論有所輕重出知黃州禹偁作三黜賦以見志值州境二虎鬪其一死食之殆半羣雞夜鳴經月不止冬雷暴作禹偁手疏陳戒且自劾上詢日官云守土者當之惜其才卽日命徙蘄州表謝有宣室鬼神之間不望生還茂陵封

禪之書止期身後語上駭異至郡未踰月果卒年四十八
上聞甚悼厚賻其家賜一子出身禹偁詞學敏贍遇事敢
言喜臧否人物以直躬行道爲己任嘗曰吾若生元和時
從事于李絳崔羣間斯無媿矣爲文著書多涉規諷所與
游必擇儒雅後進有詞藝者極意稱揚之如孫何丁謂皆
閩人鄭褒謁見于滁禹偁愛其儒雅爲買一馬或言其虧
價上不之信也所著小畜集二十卷承明集十卷集議十
卷詩三卷二子俱知名

王嘉祐禹偁長子爲館職寇準壻也準尹京問以外議云
何對曰人言丈人且入相以愚觀之不若不爲之爲愈也
自古聖君賢相所以能建功業澤生民者其君臣相得如
魚之有水故言聽計從臣主俱榮今丈人負天下重望中
氏姓譜

卷今四

七陽

王氏

无

外有太平之責其于明主果能若魚之有水乎準大喜執
其手曰元之雖文章冠天下至于深識遠慮或不逮子
王逢字會之當塗人四世祖居巖仕唐爲驍衛長史遭亂
居嵩山逢博學能文尤長于講說教授蘇州學者嘗數百
人晚始登第補南雄軍事判官爲國子直講兼隴西郡王
宅教授駙馬李瑋從學事之甚謹爲求遷官辭不受終太
常博士通判徐州爲人樂易篤于朋友與胡瑗善喜著書
有易傳十卷乾德指說一卷復書七卷妻陳氏亦有賢行
然竟無子云

王安國字平甫敏悟文詞天成未嘗從學年十二出所
爲詩銘論賦數十篇示人語皆警拔遂以文章稱于世士
大夫交口譽之及長該博古今書史無所不遍母喪廬墓
三年熙寧初韓絳薦其才召試賜及第除西京國子教授

名對不合帝默然不悅由是別無恩命祇授崇文院校書
改秘閣校理屢以新法斂怨天下恐爲家禍力諫王安石
常哭于影堂曰吾家門滅矣又面責曾布誤其兄而深惡
呂惠卿之姦惠卿銜之安石嘗貽書謂其頗溺于聲色戒
曰宜放鄭聲安國復書亦願兄遠佞人及安石罷惠卿陷
以黨于鄭使奪其官放歸田里卒年四十七

王從政以東頭供奉官閤門祇候與儂智高戰于太平場
被執罵賊不已至以沸湯沃之終不屈而死贈信州刺史
錄其孫二人

王復以龍圖閣待制知徐州建炎三年金人自襲慶引兵
圍徐復與男倚嬰城固守率軍民力戰外援不至城陷復
坐廳事不去語粘罕曰死守者我也他皆無預願殺我而
舍僚吏百姓粘罕欲降之復嫚罵求死遂與教授鄭褒迺
氏姓譜

卷八十四

七陽

王氏

三

檢楊彭年及闔門百口皆被殺獨一子侑先去事聞贈資
政殿學士諡曰莊節立廟號忠烈官其家五人

王忠植河東步佛山忠義人也紹興九年授武功大夫華
州觀察使忠義軍統制知代州舉兵復石代等十一州擢
建寧軍承宣使龍神衛四廂都指揮至河東經畧安撫使
十年金人圍慶陽帥臣宋萬年乘城拒守力屈降金川陝
宣撫胡世將檄忠植以所部赴援陝西行次延安叛將趙
惟清執使拜詔不肯械詣金帥撤離曷使甲士引詣慶陽
城下諭降忠植厲聲大呼曰我太行義士誓不降賊願將
士勿負朝廷堅守城壁金帥怒忠植毅然請死遂遇害世
將上其事贈奉國軍節度使開府儀同三司諡曰義節官
其家十人

王翊字公輔鄆縣人登寶慶進士嘗爲吳曦幕官曦叛抗

節不屈爲陳大義職怒囚之職誅後得免嘉熙元年制使
丁黼辟爲參議官先遣其家歸鄉里爲文訣先墓誓以身
死報國及北兵至帳前提舉官成駒先走黼倉卒迎敵敗
死翊與司理王璨運司幹官李日宣等募兵拒守衆寡不
敵兵遂入翊朝服危坐元將問曰汝何人曷爲不走答曰
願與此城俱亡相顧曰忠臣也戒勿殺竟赴井死後出其
屍衣冠儼如生時

王安節父堅淳祐中以復興元府功轉武功大夫遙郡團
練使知合州寶祐二年北兵大入從其父戰禦有功堅擢
興元都統制安節兄弟五人皆受官開慶元年秋合州被
圍堅嬰城固守百戰彌勵金主矧于城下捷聞上大喜獎
以爲列城之冠進官寧遠軍節度使封清水縣開國伯爲
賈似道所忌出知利州兼管內安撫使鬱鬱而卒諡忠壯

氏姓譜

卷八十四

七陽

王氏

三

立廟額曰報忠安節咸淳末爲東南第七副將授閬門祇
候添差浙西兵馬副都監收兵入平江合張世傑戰鳳凰
港有功轉三官及劉師勇復常州攻走王良臣以安節與
張詹守常良臣遂遁元兵來攻築柵以守拒兩月不下
伯顏怒麾兵破其南門以招降不聽屠之安節揮雙刀率
死士巷戰臂傷被執欲降之不得乃殺之

王樵字肩望淄川人博通羣書不治章句尤善老易與賈
同李冠齊名學者多從之咸平中契丹游騎渡河舉家被
掠樵卽棄妻入契丹訪父母累年不獲涕泗徬徨若無所
容還山東刻木招魂以葬立祠畫像事之如生服喪六年
哀動行路又爲族屬尊行次第成服北望歎曰身世如此
烏可自比于人遂與俗絕自稱贅世翁以談兵擊劍爲事
屢游塞下以策干何承矩耿望求滅遼復仇不用乃于城

東南隅累磚自環謂之繭室銘其門曰天生王樞薄命寡
智材不濟時道號贅世生而爲室以備不虞死則藏形不
虞乃備病草入室自掩戶卒治平末職方郎中向宗道知
淄卽其地立祠刻石以記

王回字深文侯官人父平言試御史回與弟向字子直同
字容季皆敦行孝友質直平恕造次必稽古所爲不效小
廉曲謹以求名譽第進士爲衛真簿與時不合稱病退居
潁川不求仕進嘗作友論曰古之言達道者君臣父子夫
婦兄弟朋友此五者乃人之所必由也然而君之于臣以
分定而從父之于子兄之于弟以天性而親夫之于婦以
人情而合是雖欲自廢以理勢持之何能自遂故大而天
下國家小而一家一室終身不可辭也其爲上者不敢不
嚴爲下者不敢不勉世治道行則人能循義而自得世衰

氏姓譜

卷十四

七陽

王氏

三

道微人猶顧義而自全間有不若亦無敢肆然視如路人
此所謂理勢持之雖百代可知也若朋友親非天性合非
人情從非分定舉天下之人羣而同別而異大道之行公
于義者可致焉下斯而言其能及者鮮矣然而聖人所以
崇之重之與此四倫並而爲一者蓋人有四肢所以成身
一體不備謂之廢疾人倫缺一何以爲人聖人旣沒其意
益廢于今則亡矣吾輩處今之時欲復古之道其事甚難
姑求其肯告吾過樂聞已過者與之交乎治平中薦爲忠
武軍節度推官知南頓縣令下而卒熙寧中常秩上其文
集補于汾郊社齋郎

王昭素酸棗人當五代時篤學不仕隱居教授自給李穆
並弟肅及李憚皆師事焉博通九經兼究莊老尤精易學
讀王韓所注孔馬疏義或未盡是自著易論三十三篇素

喜穆沉厚曰此子能得吾精理往往出入意表他日必至
廊廟盡以所學傳之開寶中穆果貴顯薦名赴闕見于便
殿時年七十七精神不衰太祖恨相見之晚問何以不求
仕進對曰草野蠢愚無裨聖化焉敢求進賜之坐令講易
乾卦宰相薛居正等咸在至飛龍在天歛容對曰此爻正
當陛下今日之事援引証據因示諷諫微旨上大悅問以
治世養身之術對曰治世莫若養民養身莫若寡慾上嘉
其言誠實無隱命書于屏几留月餘以衰老求歸授國子
博士致仕賜茶藥及錢二十萬壽八十九卒于家生平雅
有至行鄉里服之有爭訟不詣官府咸往就決每市物隨
所言還直未嘗論高下治所居室餘椽木積門中盜至窺
之昭素潛擲屏處令自取盜慙而去里中化之誓不爲盜
家有驢人多來假至已欲出問無假驢者然後行其純實

氏姓譜

卷八十四

七陽

王氏

三

類此子仁著亦有隱德

王當字子思眉山人好學博古通王佐大畧嘗言三公論
道經邦燮理陰陽鎮撫四方親附百姓皆出于一道其言
之雖大其行之甚易于經學尤遠易與春秋皆爲之傳人
稱得聖人之旨應舉不第退居田野元祐中蘇轍薦舉賢
良方正廷對慷慨不避權貴策入四等調龍游縣尉蔡京
舉爲官不就遂不復仕歎曰士之居世苟不見其用必見
其言著春秋列國名臣傳五十卷又有經旨三卷史論十
二卷兵書十二篇人皆傳誦卒年七十有三

王忠民潁陽人幼通經史靖康間數言邊方利害于朝累
名弗至值國難隱居不出諸鎮翟興等欲致弗能皆重之
建炎中張浚薦授迪功郎亦不受後避地南下遇商號鎮
撫董先于內鄉留軍中事以師禮管作九思圖及定亂四

象乞還二帝因劉豫以達于金主爲鑊板印圖散于僞境以明天下大義紹興三年翟琮薦其忠節持授宣教郎詔先津遣詣闕旣至呂頤浩徐俯見之皆拜舍于政府懇辭所授官言臣憤金人無道故三上書本心報國非冀名祿不許乃以誥寘積中藏七寶山下力求去復依先軍中卒王懷隱睢陽人初爲道士住京城建隆觀善醫診以湯劑祇事太宗藩邸時因多暇留意醫術藏常驗名方千餘首卽位詔翰林醫官各具家傳經驗方萬餘首以獻命懷隱與副使王祐鄭奇陳貽遇參對編類每部冠以隋太醫令巢元方病源候論次及方藥成一百卷御製序文賜名太平聖惠方頒行天下諸州各置醫博士掌之詔歸俗除尙藥奉御三遷至翰林醫官嘗視吳越王子惟濬疾有效詔獎之後數年卒

氏姓譜

卷十四

七陽

王氏

三

王老志濮州臨泉人遇異人自言鍾離先生予丹服之若有所覺遂棄妻子結廬田間爲人言休咎其門如市政和三年太僕王亶以聞召至京師館于蔡京第嘗緘書一封至帝所徽宗啟讀乃昔歲中秋與喬劉二妃燕好之語帝驚信以爲神封爲洞微先生朝士多從求書初若不可解卒應者十八九嘗獻乾坤鑑法謂帝與后他日皆有難請鑄成時坐鑑下思所以做懼消變者明年其師再見責以擅處富貴亟丐歸至濮而死賜金以葬贈正議大夫爲人性謹畏事親以孝聞初爲小吏不受賂王黼父令臨泉問黼名位書宰相字旋以墨穢之敗後乃悟

王克明字彥昭其始饒州樂平人後徙烏程初生時母乏乳餌以粥遂得脾胃疾長益甚醫以爲不可治克明自讀難經素問以求其法刻意處藥其病乃愈始以術行江淮

入蘇湖鉞炙尤精診脈有難療者必沈思得其要然後予之藥病雖數證或用一藥以除其本本除而餘病自去亦有不予藥者期以某日自安有以爲非藥之過過在某事當隨其事治之言無不驗金使黑鹿谷過蘇病傷寒垂死克明治之愈及從徐度聘金黑鹿谷適爲先排使待克明厚甚克明訝之谷乃道其故由是名聞北方後再從呂正已使金金接伴使忽被危疾克明立起之却其謝張子蓋救海州戰士大疫克明時在軍中全活幾萬人子蓋上其功力辭克明頗知書好淡尚義常數千里起人急初試禮部中選累任醫官王炎宣撫四川辟克明不就炎怒劾克明避事坐貶秩後遷至額內翰林醫痊局賜金紫紹興五年卒時年六十七

王庠字周彥榮州人母向氏卽欽聖后始祖伯琪以義聲氏姓譜

卷十四

七陽

王氏

三

著于鄉州有益井籍民煎輸多至破產惟有祿之家得免伯琪請于州均之官戶遂爲仕者誣訴賫恨以沒父夢易登皇祐進士力成父志言于三司上聞蠲其歲額後坐事鐫三秩罷歸而卒庠幼穎悟七歲能文儼如成人與弟序同業制舉閉戶窮經及傳注之學元祐中呂陶薦舉賢良方正直言極諫庠以宋邦傑學成未有薦者推使先就陶聞益加敬未幾紹聖特罷制科庠歎以爲命但無愧先訓以之行已足矣崇寧壬午京師蝗上書論時政得失張舜民見之歎其危言下第徑歸母年五十二求侍養不願仕大觀庚寅行舍法州復以庠應詔辭以母年六十不願奉詔紹聖中元祐黨禁方嚴庠自陳與蘇軾蘇轍范純仁知已呂陶王吉嘗薦舉黃庭堅張舜民王鞏任伯雨爲交游不可入舉求仕願屏居田里雖處山林唱酬賦咏皆愛盡

憂國之言太后念欲官之庠以遜序升朝母卒終喪起舉
入行大司成考爲天下第一盡以田均給庶兄弟姪及前
母之姊詒旌其門命以官不屈賜號處士尋改漳州府教
授賜出身及章服力辭不受而卒孝宗諡曰賢節
王之道無爲人剛直尙風節宣和間舉進士與兄之義之
深同科名其堂曰三桂有桐山文集嘗夢帝命之曰以爾
有功當錄其後子十人仕者九人

王相如宣城人建炎初江右盜起相如爲盜所獲命作檄
相如奮髯曰吾有死而已不能爲盜作箋遂遇害盡室殲
焉工詩文有溪堂集

王中立嵒嵐州人博學強記家豪于財待賓客豐腆而自
舉甚儉不再娶亦不就舉居一室如衲僧數年乃出人覺
其談吐詩翰異常問之不言晚年易名雲鶴自號擬初臨
氏姓譜

卷十四

七陽 王氏

美

終預尅期而逝云

王衡仲豐城人舉進士授新昌簿居官不詭隨尤善推類
以得事情漕運使捕盜數十約至境誅之衡仲按其事曰
非真盜也悉縱之遷守建昌軍值大旱入境大雨如注郡
人迎喜曰真刺史雨也號柏軒所著有文集云

王師道兗州人任吉州粟傳砦巡檢與師道戰每射輒斃
追擊數里遇有伏寇挺身力戰死事聞立廟其地官二子
王明清本汝陰人宋慶元間寓居嘉興官至朝奉郎有史
才所著有揮塵錄及王昭新志

王用亨崇德人少孤事母至孝嘉定初舉進士志欲盡讀
天下書手抄口誦至忘寢食鄉之登仕籍者多出其門嘗
作二記于座右以不欺不貪自警焉

王居邨登州蓬萊人以進士累官京東轉運使青州河貫

城中若之溢爲害若鄉卽城立飛梁設樓櫓下建門以時
啟閉人誦其智焉

王益知韶州初夷越男女無別益一切究治未幾男女之
行別于塗翁源多虎益下檄捕之五虎自斃郡人德之焉
王鉉池州人爲中書舍人兼侍講未仕時旁郡從肄業者
常數百人著紫薇集春秋門例通解戚里元寵易象寶鑑
王汝舟婺源人也以風節自持所不合不降詞色熙寧中
知舒城歲荐飢推行荒政多所全活後知南劍州治行爲
諸郡第一

王凌歙縣人爲潭州教授以荐知湖州凌初著易解未竟
而病篤夜分祝天曰願須臾無死以成此書果如其言焉
王必正尤溪人紹定間累官朝請大夫嘗置義田五百餘
畝以資族人冠婚喪祭之費又開義學訓族里子弟于慈

氏姓譜

卷八十四

七陽

王氏

毛

恭勤懇皆登進士第

王箴眉山蘇軾妻兄九歲通經弱冠軾見其文甚愛與
成都學官侯元叔每議古人退卽書數百言如史漢論贊
者元叔歎其有史筆元祐間累詔徵之力辭而免子先光
俱登進士以詩文名

王賞當之弟也舉進士累官禮部侍郎兼直學士忤秦檜
意出知利州賞爲文師蘇軾有玉臺集予稱學問該洽初
除直秘閣知龍州有美政後爲吏部郎中嘗撰東都事畧
一百三十卷

王遇龍溪人師事朱熹爲高弟子登進士甲科歷國子博
士知常州終戶部郎中所著有論孟講義兩漢博議學者
稱爲東淵先生云

王文卿臨川人解呼雷致雨役使鬼神之術宋宣和初名

見時將有事明堂雨不止上呼禱晴天忽開霽禮成復雨
詔封冲虛通妙先生後歸老締興一日謂其徒曰西北有
黑雲起當速報我移時果然即入室解化乾道初人有見
之子成都者

王維 紹興初知南恩州仁厚勤敏值歲荒發粟賑飢全活
甚衆盜賊竊發練兵以振之人賴以安暇則詣學課勵諸
生以厚風俗沒後州人立祠祀之

王昂 永豐知縣時乘積弊之餘持廉秉公振作有道舊俗
椎牛醮酒以送終昂至道以禮教痛革之久之民亦稱便
又去淫祠表忠節凡事關風化者爲之悉後云

王克貞 廬陵人南唐進士累官光政院副使宋初授太子
中允知漢州太宗聞其有詞學命直舍人院誥命典正時
人推之修太平廣記總類出知滑襄梓三州所至有善政

氏姓譜

卷十四

七陽

王氏

吳

王進慶 澄邁人也性至孝紹興間其母陳氏病瞽而疾且
殆進慶刲股爲粥以奉母疾愈瞽目復明焉

王廷珪 安福人舉進士調茶陵丞以職事忤上官拂衣而
歸胡銓以排和議事謫貶嶺南親友無敢通問廷珪獨送
以詩秦檜怒流辰州孝宗召除國子監簿尋乞祠歸後召
對時年九十餘賜坐勞問除直敷文閣所著有盧溪集云
王舉 咸平中知賓州開關路鑿崖燒石舊時人迹不到由
是可通車馬焉

王時敏 上饒人學有淵源兼該體用老于田里有處士風
著師說及語孟中庸大學說並雜文十卷朱熹爲作墓誌

王煥 知武當縣建交中賊犯均州煥率邑人保山寨賊至
或勸之道煥曰使吾有此心則不能與邑人爲此來矣遂
舉家死之

王鼎襄陽人也初寄籍醫卜中以養妻子後遇鍾離先生遂得仙術自號王風子人不見其飲食也一日行江干人見其水中有二影怪問其故曰若欲更見之乎須臾見十影衆皆驚異宋眞宗召至禁中長揖不拜後辭去不知所著者有修真書

王奇汾州人武舉中第章惇經營湖北溪峒以爲將累遷湖南都監徙廣西宜州蠻寇邊奇領兵與戰裨將費萬戰沒後數日蠻大集奇戰敗麾下猶數百人勸策馬逃去奇罵曰大丈夫當盡節以報國何走爲戰而死之

王懿至道間知袁州時州多火炎懿疏唐李渠以備之民歌之曰李渠塞王君開四民惠利絕火災

王奇贛縣人少爲縣吏令題鴈詩于屏云隻隻銜蘆背曉霜盡隨鴛鴦立寒塘奇密績曰晚來漁棹驚飛去書破篷

氏姓譜

卷十四

七陽

王氏

三九

天字一行令奇之因激使學後游京師眞宗偶見其所作詩名見賜第奇作詩云不拜春官爲座主親逢天子作門生官至殿中侍御史

王言徹晉江人登端拱進士知南豐縣有治績遷知郟州歷漳鄂滁州在漳時開蓮浦以泄水患又植夾道松自漳抵泉後守舒惟作詩美之在鄂及滁民生祀之

王彥明守蘄州元兵至力戰糧乏不屈率家屬乘大船于城西中流慷慨鑿船沉水而卒至今人立廟祀之云

王法昌建陽人也生不茹葷幼失父母落髮入福山寺服勤苦事不拔生草不翦生柴著破衲以養蟣虱時常翻異使之均飽宋熙寧辛亥忽告人曰吾明年五月十八日當去至期果然人驚異之

王文義大寧人景德中其母疾篤剔股進藥病愈後母卒

廬墓鄉人憫其貧日給之食墳去水遠無以資洗滌祭奠
器用憂感得泉人扁曰孝感泉事聞賜以衣襖

王汲通州人嘉祐中嘗作天將以夫子爲木鐸賦士以爲
矜式因呼王木鐸後舉進士官至梓州通判多政聲弟昌
熙寧間舉進士任黔江縣令元豐中景靈宮成昌作賦獻
之辭極雅麗又有七平讜議三江集

王彬固始人淳化中進士爲雍兵尉通判筠州歷知撫州
徙潭州所至能推恩行惠削煩去蠹後歷京西河北京東
河東陝西轉運使遷至太常少卿

王泂涇州觀察使元昊入寇葛懷敏率兵出捍泂教其背
城爲砦以羸師誘賊懷敏不從果爲所敗賊乘犯渭州泂
城守爲疑兵賊遂引去

王延字延元九歲母喪泣血三年幾至滅性繼母卜氏遇
氏姓譜 卷之十四 七陽 王氏 四

之無道恆以蒲穰及敗麻與延貯衣其姑問之延知而不
言事母彌謹卜氏嘗盛冬思生魚勅延求而不獲杖之流
血延尋汾叨凌而哭忽有一魚長五尺踊出水上延取以
進母卜氏食之積日不盡于是心悟撫之如已生云

王象之金華人慶元間進士博學多識著輿地紀勝傳世
王伯起海陵人父綸仕爲太常博士伯起舉進士不第嘆
曰士不自重而獻藝求售可恥也于是閉門肄志于學人
莫窺其面仁宗英宗俱賜粟帛王覲誌其墓謂伯起不有
其道而道著于朋友不居其名而名聞于朝廷

王宗望江淮發運使楚州沿淮至連州風濤險而舟多溺
宗望開支氏渠引水入運河遂以爲公私利

王資深山陽人第進士累官尙書郎初擢御史首論在廷
大臣草具將上蔡京遣所親謂曰慎勿言當以此位相處

不答翌日出知揚州尋改明州嘗著周書及方言子洋中
甲科累官直徽猷閣歷三郡有異政所著有東年集行世
王咨湘鄉人淳熙間登進士第一累官至禮部侍郎卒贈
銀青光祿大夫登第時有詩云名實兩言雖撲語始終一
節悉真誠

王定民毫人元祐中知衡陽縣修葺學宇又爲勸學頌以
勉學者人傳頌之

王恮字淵道臨人秦國公之望孫紹興五年以恩補官魏
了翁薦知衡陽賦浩訟繁經畫有方每擢科逐鄉置籍躬
自點勘期限不迫人戶樂輸推誠聽讞平反死獄十餘人
李保一之難鼓義兵賊輒奔遁歲飢殫心賑恤民賴以全
王時升字潛仲紹興十八年知衡陽縣在官六載始終以
廉惠聞政多善狀擢守沅州

氏姓譜

卷八十四

七陽

王氏

望

王佐字宣子浙江山陰人高宗廷對第一紹興二十九年
任起居郎出知永州民有冤者盡言其情無實者咸畏其
法暇卽延見諸生諮詢長老請增解額張浚王十朋薦之
加直寶文閣知潭州後因宜章陳崗倡亂佐合馮湛率兵
討平進戶工二部尙書初父俊彥任鎮江教授無子見一
美婦供囚飯扣其由知有冤憐而脫之因感德以妻請爲
妾俊拒之曰不雜人間種恐遭天上殃未幾妻孕遂生佐
王政山東人爲衡永郴桂都巡檢使乾道元年寇犯縣境
政禦之旣勝賊再至遂被執詈賊而死帥司以聞贈廣州
觀察使政常從大將軍韓世忠行間素以勇稱云

遼

王繼忠本宋開封人父瑋武騎指揮戍瓦橋關卒繼忠六
歲給事眞宗藩邸以謹厚被親信卽位補內殿崇班累殿

前都虞候領雲州觀察使改鎮定高陽關鈐轄至副都部
署兼河北都轉運使徙定州統和二十一年南侵宋至望
州時繼忠領兵至康村交戰自日昃至乙夜勢小却遲明
復戰爲我所乘斷其餉道遇宋將王超桑贊皆畏縮退師
繼忠獨與麾下躍馬馳赴獲之太后知其能授戶部使妻
以康默記族女宋始聞謂已死贈官加賻官其四子懷節
懷敏懷德懷政後聞尚在自是每遣使必有附賜聖宗許
受之二十二年宋使來聘遣繼忠孤矢鞭策及劄子曰自
臨大位愛養黎元豈欲窮兵惟思息戰每勅邊事嚴諭守
臣至于北界人民不令小有侵擾衆所具悉爾亦備知向
以知雄州何承矩已布此懇自後杳無所聞汝可密言如
許通和卽當別使往請詔繼忠與宋使相見時南北弭兵
與有力焉上以其家無奴隸賜官戶三十加左武衛上將

氏姓譜

卷十四

七陽

王氏

望

軍開泰五年轉漢人行官都部署封瑯邪郡王六年進王
楚賜姓名耶律顯忠後改宗信上嘗宴飲議以蕭合卓爲
北院樞使言其暗于大體不若敵烈才行兼備上不納及
遣合卓伐高麗命爲行軍副都署攻興化鎮月餘不下師
還上謂繼忠明于知人拜南院樞密使宋太平三年致仕
卒子懷玉仕至防禦使

王棠涿州新城人博古善屬文重熙十五年進士鄉貢禮
部廷試皆第一累遷上京蓋鉄使或誣以賄無狀釋之遷
東京戶部使太康二年遼東飢民多死請振恤從之三年
入爲樞密副使拜南府宰相大安末卒棠練達朝政臨事
不怠在政府修明法度有聲

王鼎字虛中涿州人幼好學居太寧山數年博通經史長
于詩賦遇上已間出水濱被禊時馬唐俊有名燕薊間見

其樸野出所作索賦鼎援筆立成唐俊驚其敏妙因與定
交清寧五年擢進士調易州觀察判官改漆水縣令累遷
翰林學士當代典章多出其手上書言治道十事帝以爲
達政體事多咨訪壽隆初陞觀書殿學士素性正直不阿
遇人有過面詆之以是多見疏忌俄坐怨望下吏杖黥奪
官流鎮州居數歲赦獨不免會守臣召鼎爲賀表因以詩
貽使者有誰知天雨露獨不到孤寒之句上聞而憐之名
復其職乾統六年卒

王白冀州人明天文善卜筮晉司天少監與魏璘齊名遼
太宗入汴得此二人應歷十九年王子只沒以事下獄其
母求卜白言無過憂此人當王未能殺也景宗卽位釋其
罪封寧王竟如其言凡決禍福多此類寧保中歷彰武興
國二軍節度使撰百中歌行于世云

氏姓譜

卷八十四

七陽

王氏

星

王繼恩棣州人年十餘睿知皇后南征與趙安仁俱被俘
爲宦者自幼聰慧知書長通國語權內謁者內侍左廂押
班遼聖宗親政遷尙衣庫使爲人性好清談不喜權利所
得賜賚市書至萬卷載以自隨誦讀不倦每宋使來聘多
充宣賜使累至左承宣監門衛大將軍靈州觀察使內庫
都提點卒

金

王滉字仲澤太原人性明俊不羈博學善談論工尺牘字
畫清美有晉人風少游太學長于詞賦登金興定二年進
士爲時帥奧屯邦獻完顏科烈所知故多在兵間後辟寧
陵令有治蹟入爲尙書省令使因使宋至揚州應對敏給
宋人重之還爲太學助教轉密院經歷俄遷右司都事稍
見信用

王澹金貞祐二年以處士徵不至明年三月己卯復遷中奉大夫翰林學士仍賜詔褒諭九月丁卯詔授右諫議大夫充軍前參議官終大中大夫

王中安及二子賁質俱登進士後終沂州防禦使家世好義祖士方正直敢言由臨潢移宛平遼道宗信讒殺其太子世無敢白其寃者士方擊義鐘以訴遼主感悟卒誅賊臣耶律乙辛遂蒙厚賞授承奉官賁字文儒性孝友勤敏好學登進士由復州軍事判官補尚書省令史擢右三部檢法司正侍御史賈鉉舉賁安靜有守不尚奔競政府亦言其廉素善議論擢河北東西大名府路提刑判官選授尚書省都事以喪去用薦者多起復刑部員外郎爲侍御史累遷南京路按察使卒賁敦厚尚義篤于親朋不營產業比沒家甚窶上聞憫惜之贈朝列大夫仍厚恤其家質

民姓譜

卷八十四

七陽

王氏

四

字敬叔果官吏部主事亦以才幹稱

王擴字充之中山永平人明昌五年登第調鄧州錄事遷懷安令猾吏張執中畏擴到官挈家避去歷徐州觀察判官尚書省令史德州防禦同知詔振山東西路飢民棣州尤甚輒限外給之泰和中山東盜起安撫張萬公牒往督捕擴行章邱道中遇一男子舉止不常捕訊果歷城大盜衆以爲神再遷監察御史章宗減鬪殺者死中外聞之爭務出罪擴奏生者從讞死者何辜人稱得中時置三司治財上言存乎其人大定間曹望之爲戶部財用殷阜今三司職掌皆戶部舊式官乃戶部舊官吏亦戶部舊吏何愚于戶部而智于三司乎詔乃罷之素與張煒同舍相厚及考按煒事無所假借煒使人議曰君不念故人邪答以奉詔安得復顧大安中轉橫海軍節度同知河東北路按察

簽事貞祐二年前上書陳河東守禦策大畧皆當時實事不見省用遷汴後名爲戶部侍郎除南京路轉運使太府監奏羊瘦不可供御宣宗名擴詰問奏官無羊皆取于民今民心未安宜崇節儉廷議肥瘠非所以示聖德也上首肯之平章高琪謂聖主焦勞萬機賴膳羞以安養臣子宜盡心答以此尚食監事何勞宰相琪默然銜之有司奪市人衣以給往戍潼關軍士京師大擾白請于琪三日造之琪怒不從潼關已破元兵至近郊遣擴行六部事規辦芻糧同戶部員外郎張好禮自由商號過中牟不可進琪奏擴畏避下吏論死特薄其責削兩階好禮削三階皆杖之降爲遙授隴州防禦使行六部侍郎規辦秦鞏軍食逾月權陝西東路轉運使行六部尚書致仕興定三年卒諡曰剛毅擴博學多才梗直不容物以是不振于時云

氏姓譜

卷八十四

七陽

王氏

聖

王浩起身爲吏初辟涇陽令有善政察廉第一民絲毫無所犯時西臺檄州縣增置桑棗督責嚴急將坐以罪浩曰是縣所植已滿其數若欲增植必盜他人所有取彼置此未見其利主者辭塞立心愛民去日爲立生祠歲時思之南遷後爲扶溝令天興元年正月民錢大亨等將送款于北以浩有恩不忍劫持日遣所知勸降浩終不聽與主簿劉坦尉宋乙並見害焉

王維翰字之翰利州龍山人父庭遼季率縣人保縣東山後以衆降維翰好學不倦與高守約和速嘉安禮俱登大定二十八年進士調貴德州軍事判官察廉遷永霸令縣素健訟豪猾嘗設事陳訴維翰窮究杖殺之俗始衰息歷宏政獲嘉令佐胥持國治決河有勞改北京轉運戶籍判官補尚書省令史除保靜軍節度同知檢括戶籍一郡遂

稱平屬縣有奴殺主反誣其弟微行物色盡得奸狀奴遂引服改中都轉運副使歷侍御史左司員外郎從僕散揆伐宋爲行省左右司郎中久之遷大理卿兼潞王傳同知審官院事貞祐初罷爲定海軍節度使阻山浮海至鎮且無兵備孤城不可守鄰郡皆望風奔潰乃縱百姓避難獨率吏民願從者奔東北山結營堡自守力窮被執與妻姚氏皆不肯屈俱死贈中奉大夫妻芮國夫人諡曰貞潔

王晦字子明澤州高平人登明昌二年進士少負氣慕張詠爲人調長葛主簿有能聲察廉累除遼東北京兩路轉運司都勾戶籍判官遷安陽令陝西西路按察簽事改平涼治中名爲少府少監至戶部郎中俾募死士萬餘衛送通州粟入中都有功遷霍王傳薦舉將才使守順州通州圍急晦攻牛欄山以解之賜賚優渥就加翰林侍讀學士

氏姓譜

卷八十四

七陽

王氏

吳

並勸農使九月順州受兵晦有別部屯于滄景乃突圍名之主者不肯發故部王臻免胄出見且拜曰事急矣何爲自苦苟能相從可不失富貴晦曰朝廷何負汝邪臻曰臻雖負國不忍負公因泣下晦叱曰吾年六十致仕三品死則吾分詎從汝邪將射之臻掩泣而去無何將士縋城而降晦被執謂愛將牛斗曰若能死乎斗曰蒙公見知安忍獨生皆不肯降因並見殺詔贈榮祿大夫樞密副使命有司立碑歲時致祭錄其子汝霖爲筆硯承奉

王毅大興人登經義進士累官東明令元兵圍急率民拒守城破猶拒戰力窮被執與縣人願戰者王八等四人同驅郭外先殺二人王八卽前跪將降毅以足踏之厲聲曰忠臣不佐二主汝乃降乎驅毅者以刃斫其脛竟不屈而死贈曹州刺史

王佐字輔之霍州農家子器畧不事產業財好施善騎射與定中聚兵數千權領霍州事平陽胡天作永制加忠勇校尉趙城丞遷霍邑令同知蒲州軍事權招撫副使蒲州經畧使詔遷宣武將軍遙授寶昌軍節度副使元兵取青龍堡佐被獲署霍州守將隸元帥崔環下環質其妻子佐乃與招撫使成天祐同謀殺環天祐疑佐妻子在環所若何對曰佐豈顧家者邪遂因出獵殺之率軍民數萬請命加龍虎衛上將軍元帥右監軍兼知平陽府與平陽公史詠素不協詔徙沁州玉女寨同禹顯俱聽上黨公張開節制元光二年七月因救襄垣中流矢卒贈金吾衛上將軍錄其子爲符寶典書

王進本起軍伍前爲譙縣尉散家所有以濟貧民粘合荆山遣由間道入汴納奏自誓必死賞以物不受旣至以勞

氏姓譜

卷十四

七陽 王氏

聖

授前官賜以白金亦不受一時稱之後詔以爲集慶軍節度使便宜從事進領帥職七月遂被害云

王競字無競彰德人警敏好學以廕補官宣和中太學兩試合格調屯留主簿入朝歷大寧河內令寶勝益官歲飢盜起競設方畧以購不數月盡得之遇夏秋沁水泛溢發民築隄豪民猾吏不敢爲姦與前令韓希甫皆有幹能而絳州正平令張元治績差不及縣民爲之謠曰西山至河岸縣官兩人半天眷元年轉固安令皇統初用韓助薦名試館閣文居最優除應奉翰林文字兼太常博士詔作金源郡王完顏婁室墓碑時以爲法二年遷禮部員外郎時海陵當國政由已出欲令百官避堂諱競言人臣無公諱遂止天德初遷侍講學士改太常卿同修國史拜禮部尙書大定二年奉遷睿宗山陵儀注不應典禮削兩階詔改

割五龍車兼學士承旨修國史四年卒于官競博學能文
善草隸工大字兩都宮殿榜題皆其所書士林推爲第一
王元節字子元宏州人祖山甫遼戶部侍郎父詡海陵朝
左司員外郎家世貴顯元節幼獨穎悟從學甚謹渾源劉
撝愛其才俊以女妻之傳其賦學登天德三年詞賦進士
調密州觀察判官雅尙氣節不能隨時俯仰故仕不顯罷
歸逍遙鄉里以詩酒自娛號曰遯齋卒年五十餘有詩集
行于世弟元德亦登第有能名于時

王國綱字正之元節之孫也業儒術尤長吏事爲人端重
樂易或有忤者畧不與較亦未嘗形于怒色大定三年試
補吏部掾轉御史臺令史宣宗聞其材幹興定三年特召
爲近侍奉職承應甚見寵遇凡三考出爲申州同知無何
名爲筆硯直長擢監察御史秩滿勅留再任天興元年闕
氏姓譜

卷八十四

七陽

王氏

吳

陝完顏總帥屯河中府與元軍戰敗哀宗遣往問敗軍之
由還至中途值元兵見殺時年四十四

王庭筠字子端河東人父遵古章宗時以澄州刺史入侍
講讀上憫其年老擢爲翰林直學士入直後卒庭筠生未
期視書識十七字七歲學詩十一歲賦全題涿郡王脩期
以國士登大定十六年進士章宗諭學士曰庭筠所試文
句太長朕不喜此亦恐四方倣之又謂平章張汝霖庭筠
文藝頗佳然語句不健其人才高亦不難改及調恩州軍
事判官臨政有聲郡民鄒四不軌事覺逮捕千餘人朝遣
大理司直王仲軻治其獄四獨竄匿庭筠以計獲之分別
誣誤坐預謀者三人調館陶簿明昌元年四月名試館職
御史言其嘗犯贓罪遂罷乃卜居彰德買田隆慮山讀書
黃華寺因以自號上嘗語及學士因歎乏才參政守貞奏

進士中若趙渢王庭筠甚有時譽上謂出倫者難得爾守
貞曰間世之才自古所難然國家培養久人才亦將自出
三年名爲應奉翰林文字命與秘書郎張汝方品第法書
各畫分八品者爲五百五十卷五年上復顧宰執人才亦
豈易得近党懷英作長白山冊文殊不工聞文士多妬庭
筠不論其文顧以行止爲訾大抵讀書人多口頰若東漢
黨論唐牛李宋司馬光王安石均爲儒者而互相排毀朕
欲以詔詒委庭筠遂遷翰林修撰坐趙秉文事降鄭州防
禦判官承安四年復起泰和元年再任修撰扈從秋山應
制賦詩三十餘首上甚嘉之明年卒年四十七上知其貧
詔有司賙錢八十萬以給喪事詩文藏之秘閣又以御製
詩賜其家引云王遵古朕之故人乃子庭筠又以才選直
禁林者十年今茲云亡玉堂東觀無復斯人矣庭筠爲人
氏姓譜

卷十四

七陽

王氏

吳

儼觀秀偉善談笑外若簡貴人初不敢與接既見和氣溢
于顏間殷勤慰藉如恐不及少有可取極口稱道雖有負
者不恨從游如韓溫甫路元亨張進卿李公度薦引如秉
文馮璽李純甫皆一時名士世以爲知人爲文能道所欲
言暮年詩律深嚴尤工七言長篇及險韻有藜辨十卷文
集四十卷尤善山水墨竹書法學米元章與趙渢秉文名
聞外國夏人多問秉文庭筠安否起居狀子曼慶亦能詩
並書自號澹游仕至行省右司郎中云

王若虛字從之棗城人幼穎悟若夙昔在文字間者擢承
安二年經義進士調鄆州錄事歷管城門山二縣令皆有
惠政秩滿老幼攀送薦爲國史編修遷應奉翰林文字奉
使夏國還授泗州同知轉著作佐郎預修章宣二朝實錄
正大初錄成遷平涼府判官未幾召爲左司諫遷延州刺

史入爲翰林直學士天興間羣小附和崔立請爲建功德碑翟奕名若虛爲文時或少許坐見屠滅若虛語元好問曰今名我作碑不從則死作之則名節掃地不若死之愈好問曰雖然姑以理論之乃謂奕輩曰丞相功德碑當指何事爲言其徒曰但言以京城降活生靈百萬其所重也答曰學士代王言若京城降王言謂向自古但有百姓爲之言者斯可信于後世也奕輩不能奪改名太學生劉祁麻草與好問張信之共剛定然止直叙其事而已後兵入城亦不果立金亡微服北歸鎮陽與渾源劉郁東游泰山至黃峴峯憇萃美亭若虛顧謂同游曰泊沒塵土中一生不意晚年乃造仙府誠得終老此山志願畢矣乃舍子忠先歸遣子恕前行視夸險因垂足坐大石上良久瞑目而逝時年七十所著文章號慵夫集溥南遺老集云

氏姓譜

卷八十四

七陽

王氏

五

王予可字南雲河東吉州人父本軍校幼善隸籍年三十許大病後忽發狂久之能把筆作詩文及說世外恍惚事南渡後居上蔡遂平鄆城間爲人驅幹雄偉貌奇古戴青葛巾項後垂雙帶若牛耳一金鏤環在頂額之間兩頰以青淨之爲翠靨衣常不能掩脛落魄嗜酒每入城市人爭遺之酒食夜宿土室中夏月尸穢狼籍不恤也遇文士則稱大成將軍于佛前則稱諦摩龍什于道則稱騶天元俊于賈游稱威錦堂主人人與之紙落筆數百言或詩或文散漫碎雜無句讀無首尾多六經中語及韻學家古文奇字字畫峭勁遇未諱亦時避之或問以故事其應如響諸所引書皆世未嘗見談說之際稍有條貫又以誕幻語亂之麻九疇張設與游最狎言其詩以百分爲率可曉者纔二三耳王辰兵亂爲順天將領所得知其各欲擊之北歸

簡于瑞雲觀明日自言我不能任君家不數日卒後復有見于淮上者

王鬱字飛伯大興人儀狀魁奇目光如鶻少居釣臺閉門讀書不接人事爲文法柳宗元闕肆奇古動輒數千言歌詩俊逸效李白嘗作王子小傳以自叙天興初元兵圍汴京上書言事不報四月圍稍解挺身突出爲兵士所得其將遇之甚厚鬱徑行無機防爲其下所害年三十餘臨終懷中出書曰是吾平生著述可傳付中州士大夫

王震文登縣人嘗肆舉子業母患風疾刲股愈之母沒哀泣過禮目乃生翳服除不療而愈以爲孝感特詣赴闕並試其文賜同進士出身詔尚書省擬注教授一等職任

王去非字廣道平陰人隱居教授不求榮祿督妻孥耕織以給伏臘束修有餘分惠他人弟子班忱貧不能謀贖其

氏姓譜

卷八十四

七陽

王氏

至

朝夕一女及笄爲辦資裝嫁之比鄰有喪忌東出西與北皆人居南則去非家蠶室輒壞之使喪南出遂得塋鄉人化其德大定二十四年卒年八十四

王汝梅字大用大名人由律學爲伊陽簿秩滿隱居不仕性嗜書動有禮法人以法律就學兼授以經諸生服其教無敢爲非義者同業憫其貧周之皆謝不受後不知所終

王鴻雱都人博學工篆隸草書皇祐中試南宮不利遂歸隱嘗爲米困銘曰夫竊人之食而不任其事又騷然而爲害者鼠也暴人之物而不知有畏又肆然而不足者虎也吾暴而不忍爲虎竊而不忍爲鼠寧守斯廩以安吾處

王寂玉田人父礎金初名士官至歸德府判官寂第進士官至中都路都轉運使文學政事爲時所稱卒諡文肅所

著有拙軒集北遷錄云

王師楊天興人父啓累官吏部尚書師楊南渡時居崧山博涉羣書終日閉戶默坐同輩罕見其面時號閉戶先生王特起崞州人智識精深好學善論議長于辭賦秦和中進士爲眞定錄事參軍有惠政民立碑頌遺愛改沁源令王遵古同知博州有惠政鄉賢碣贊云治飾儒術政施仁愛學校修完士民感戴

王德元刑臺八大安初舉經童第二人既受官避兵于許許人以爲師出其門者數千百人爲人愷悌敦厚與人言必本于忠信許人化之及卒爲立祠于學以祀之云

元

王結字儀伯易州定興人祖逖勤以質子軍從太祖西征自西域徙戍秦隴又徙中山家焉結嘗從太史董朴受經深于性命道德之學年二十游京師上執政書陳時事八

氏姓譜

卷十四

七陽

王氏

奎

策言頗剴切時宰不能用仁宗在潛邸或薦結充宿衛乃集歷代君臣行事善惡可爲鑒戒者日陳于前武宗卽位立仁宗爲皇太子置東宮官屬以結爲典牧太監近侍以俳優進結言唐莊宗好此卒致禍敗殿下方育德春宮視聽宜謹仁宗優納之及卽位遷集賢直學士未幾出爲順德路總管教民務農興學孝親弟長賊奸禁暴悉刊成書俾朝夕閱習屬邑巨鹿沙河有唐魏徵宋璟墓乃祀二公于學表其言論風旨以勗多士繼調東昌路境有黃河故道而會通堤過其下流夏月潦水壞民禾麥結疏爲斗門洩之民獲其利至治二年名拜參議中書省事拜住爲丞相結言爲相之道當正己以正君正君以正天下除惡不可猶豫猶豫恐生他變服用不可奢侈奢侈害及身家丞相是其言泰定元年遷集賢侍讀學士會有月食地震風

烈之異結首言君子小人混淆刑政不明官賞太濫故陰陽錯謬咎徵洊臻宜修改以弭天變詔知經筵結每援引古訓以證時事之失莫帝有所感悟中宮聞之亦名進講結以故事辭天歷初進中書參知政事入謝光天殿陳情乞終養帝曰忠孝能兩全乎時方遣大臣奉寶迎明宗于北邊近侍有求除拜賞賚者結曰俟天子至議之初上都之變失皇太子寶及更鑄新寶近侍請視舊制宜加大結曰此寶當傳儲嗣不敢踰舊制也近侍怒其異已譖詆日甚罷爲集賢侍讀學士以內艱不起元統初拜中書左丞中官命僧尼于慈福殿作佛事已而殿災結言僧尼褻瀆所致當坐罪左丞相疾革家人請釋重囚禳之結極言其不可先時有罪者北人則徙廣海南人則徙遼東去家萬里往往道死結請更其法移鄉者止千里外改過仍聽還

姓氏譜

卷八十四

七陽

王氏

五

鄉因著爲令職官坐罪者多從重科結曰古者刑不上大夫今貪墨雖多然士之廉恥不可不養聞者謂其得體卒封太原郡公諡文忠結立言制行皆法古人晚尤邃于易著易說一卷臨川吳澄讀而善之有詩文十五卷行于世王鶚字百一曹州東平人始生有大鳥止于庭鄉先生張齋號博物見之曰鶚也是兒其有大名乎金正大元年中進士第一授應奉翰林文字中丁母憂金主遷蔡詔尚書省移書恆山公武仙速進兵金主覽書問誰作者省丞以鶚對金主曰朕卽位時狀元邪惜擢用之晚起復授尚書省右司郎中蔡陷將被殺萬戶張柔聞其名輦歸館于保州世祖以太弟居朔方訪求遺士遣使聘之及至使者數輩迎勞入見講孝經書易及齊家治國之道每夜分乃罷歲餘乞還賜鞍馬仍命近侍澗澗等五人從之學澗澗每

且起盛飾冠服鸚鵡讓之濶濶深自悔隔學日益進繼命徵
居大都賜宅一區嘗因問請曰天兵克蔡金主自經開奉
御箝山收其骨將瘞之汝水上禮爲舊君有服願往致祭
世祖義而許之至則爲河水所沒具牲醴爲位而哭世祖
卽位首授翰林學士承旨奏言自古帝王得失興廢可考
者賴有史在也國家以神武定四方天戈所臨無不臣服
皆出太祖廟謨雄斷所致若不乘時紀載竊恐日久遺亡
宜開局纂修實錄並附修遼金二史又言唐宋以來史冊
爛然號稱文治今豈無英才如唐宋者宜除拜學士院官
以隆重人材帝納其言始分立翰林國史院爲二又請選
博學洽聞之士提舉各路學校嚴加訓導以備他日之用
始立十道提舉學校官有言事者謂宰執非其人詔儒臣
延議時阿合馬欲乘隙取相位衆知其非莫敢言鸚鵡奮然

氏姓譜

卷六十四

七陽 王氏

舊

擲筆曰吾以衰老之年無可報國必欲舉任此人爲相吾
不能插驢尾振袖起奸計爲之中止鸚鵡請行選舉法惟科
舉取士最爲切務帝曰良法也命省臣與學士議立程式
又請依前代立國學蒙古諸職官子孫專命師儒教習經
史俟其藝成然後試用庶凡勳舊之家人材輩出有旨並
議舉行有司或難之事遂寢至元五年乞致仕詔有司歲
給廩祿大事則遣使就問卒年八十四謚文康鸚鵡性樂易
爲文章不事雕飾嘗曰學者當以窮理爲先分章析句乃
經生舉子業非爲己之學也著論語集義一卷汝南遺事

二卷詩文四十卷曰應物集無子以婿周氏子承祀

王磐字文炳廣平永年人世業農歲得麥萬石人號萬石
王家父禧金末入財佐軍興補進義副尉金人遷汴禧舉
家南渡河居汝之魯山磐年方冠從麻九疇學于鄆城峇

居貧甚日作糜一器畫爲朝暮食年二十六登金經義進士授歸德府錄事判官不赴及河南被兵磬避難轉入淮襄間襄陽兵變乃北歸至洛會楊惟中被旨招集儒士得磬禮遇之遂寓河內東平總管嚴實興學養士迎磬爲師受業者常數百人中統元年卽拜益都路宣撫副使頃之以疾免李瓊素重磬名以禮延致磬亦樂青州風土買田泃河之上題所居曰鹿菴有終焉之意及瓊謀不軌磬覺脫身至濟南乘傳馳入京告變世祖嘉其誠撫勞備至瓊據濟南大軍討之帝命磬參議行臺事未幾擢真定順德等路宣慰使有西域大賈稱貸取息或償不以時輒拘繫榜掠其人更恃勢干官府直來坐廳事指麾自若磬怒叱左右摔下箠之數十郡人稱快未幾蝗起朝廷遣使捕蝗役夫四萬人猶不足欲牒隣道爲助磬曰四萬人多矣何

氏姓譜

卷八十四

七陽

王氏

五

煩他郡使者怒責磬狀期三日盡捕蝗磬親督衆夫走田間設法補治果三日而蝗盡使者驚以爲神已入翰林官學士首謁宰相言方今害民之吏轉運司爲甚甚至稅人白骨宜罷去以蘇民累由是轉運司遂罷遷太常少卿初曲阜孔廟歷代給民百戶以供洒掃復其家至是尙書省以括戶故盡收爲民磬言孔廟戶百家歲賦鈔不過六百貫僅比一六品官終年俸耳聖朝疆域萬里財賦歲億萬計豈愛一六品官俸不以待孔子哉且于府庫所益無多其損國體甚大時論避之帝見天下獄囚滿多勅諸路自死罪以下縱遣歸家期以秋八月來京聽決囚果如期至帝惻然憐之盡原其罪他日命詞臣作詔戒諭天下皆不稱旨磬獨以縱囚意命辭帝喜曰此朕所欲言而不能者卿能代朕言之嘉獎不已磬嘗于大廷集議時數言前代

用人二十從政七十致仕所以資其材力閱其衰老也至是引年乞致仕帝遣使慰諭曰卿年雖老非任劇務何以辭爲磐不得已復出時錄平宋功有遷至宰相者二十餘人因議更定官制磐奏曰歷代制度有官品有爵號有職位官爵所以示榮寵職位所以委事權臣下有功有勞隨其大小酬以官爵有才有能稱其所堪處以職位此人君御下之柄也今有功者止宜加散官或賜五等爵號如漢唐封侯之制可也不宜任以職位日本之役師行有期磐入諫觸帝怒明日帝遣侍臣溫言慰撫並出內府碧玉寶枕賜之磐以年累乞骸骨詔允其請仍給半俸終身且命其婿著作郎李禪賓爲東平判官以便侍養每大臣燕見帝數問磐起居狀始終眷顧不衰磐資性剛方奏對必以正不肯阿意承旨帝嘗以古直稱之阿合馬方得權致重

氏姓譜

卷八十四

七陽

王氏

奕

幣求文子碑拒弗與卒年九十二歲追封洛國公諡文忠王暉字仲謀衛州汲縣人父天鐸以律學中選仕金爲戶部主事暉少好學與東魯王博文渤海王旭齊名史天澤將兵過衛一見接以賓禮世祖中統元年左丞姚樞宣撫東平辟爲詳議官時省部初建令諸路各上儒吏之能理財者暉以選至京上書論時政授中書省詳定官轉翰林修撰同知制誥尋兼中書省左右司都事治錢穀議典禮考制度咸究所長同僚服之至元五年建御史臺首拜監察御史論列凡百五十餘事時都水劉鼓交給權勢沒官糧四十餘萬石暉暴其姦權貴不能容出爲平陽路判官十四年除翰林待制太子真金在東宮暉進承華事畧其目曰廣孝立愛端本進學擇術謹習聽政達聰撫軍崇儒親賢去邪納誨幾諫從諫推恩尙儉戒逸明分審官凡二

千篇太子覽之喜令諸皇孫傳觀稱其宏益良多十九年
改山東按察副使踰年移疾歸二十二年名爲左司郎中
不赴二十六年擢閩海道按察使奏言福建所轄郡縣連
山距海實爲邊徼重地而民情縱詭由乎定以來官吏貪
殘故山鬼往往嘯聚愚民因而蟻附及官兵致討復蹂踐
之甚非朝廷一視同仁之意行省官僚宜特選清望素著
者使鎮靜之庶幾治效可期盜風可息會入覲見帝于柳
林上萬年書陳時政授翰林學士成宗卽位獻守成事鑑
凡一十五篇奉勅纂修世祖實錄復上聖訓六卷元貞五
年乞致仕卒封太原郡公諡曰文定其著述有相鑑五十
卷汲郡志十五卷承華事畧中堂事記烏臺筆補玉堂嘉
話並秋澗集合一百卷云

王構字肯堂東平人父公淵遭金亂其兄三人挈家南奔
氏姓譜

卷十四

七陽

王氏

聖

公淵獨誓死守墳墓伏草莽中諸兄呼之不出號勳去卒
得存其冢而兄輩竟不知所終構少穎悟弱冠以詞賦中
選爲東平行臺掌書記參政賈居貞一見器重俾其子受
學焉至元十一年授國史院編修官丞相伯顏將南伐命
先下詔讓宋構屬詒草進世祖大悅宋亡構與李槃同被
旨詣臨安收三館圖籍並太常天章禮器儀仗歸大都遷
應奉翰林文字歷吏禮二部郎中治事無缺緩成宗嗣立
由侍講爲學士纂修實錄成命參議中書省事有上書陳
利便請搜括江南田賦者執政欲從之構與平章何榮祖
共執不可得不行武宗卽位以纂修國史拜翰林學士承
旨未幾疾卒構歷事三朝綜習臺閣典故凡祖宗諭冊冊
文皆所撰定朝廷有大議必咨訪焉喜薦引寒士前後省
臺翰苑所辟無慮數十人後居清要皆有名于時子士熙

士黜皆以文章世其家仕至臺察

王利用字國賓通州潞縣人幼穎弱冠與魏初同學遂齊名中書省辟爲掾辭不就世祖卽位擢翰林待制兼興文署奉旨程試上都龍興等路儒士遷直學士與耶律鑄同修實錄出爲河東西川按察使有婦毒殺其夫問藥所從來吏教婦指富商所貨利用曰家富而貨毒藥豈人情哉訊之果寃白未幾致仕居漢中成宗初起爲太子賓客疏上十七事曰謹畏天戒取法祖宗孝事母后敬奉至尊撫愛百姓敦本抑末清心聽政寡欲養身酒宜節飲財宜節用有功必賞有罪必罰杜絕讒言求納直諫官職量材而授工役相時而動俾近侍之人時赴經筵講讀經史帝及皇太子皆嘉納皇后聞之命錄別本以進每自言平生于恕字有得廉希憲當時名相愼許可嘗語人曰方今文章

氏姓譜

卷十四

七陽

王氏

表

章政事兼備者王國賓其人也卒封潞國公諡曰文貞

王約字彥博其先汴人後徙真定少工文辭達國體世祖至元中丞相和禮霍孫以司徒開府奏授國史院編修官兼司徒府掾尋拜監察御史首請建儲及修史事先是參政郭佑爲中丞時曾奏誅盧世榮等桑哥銜之至是誣以他罪約上章直佑寃奉命按成都轉運使王鼎不法劾罷其官轉御史臺都事調中書右司員外郎成宗卽位約陳時政二十二事又請中書去繁文一取信于行省一責成于六部歷兵禮二部郎中請行贈諡之典以旌忠勳付時政記于史館以備纂錄立供需府以專供億皆允行拜翰林直學士知制誥同修國史俄除太常少卿命讞獄畿內釋無罪者八十六人因議鬪毆殺人者宜減死一等著爲令特拜刑部尙書仁宗自懷州入清宮禁以安西王阿難

啓與丞相阿忽台等謀逆命刑曹按其狀約曰在法謀逆者不待榜掠當速誅獄遂定仁宗在東宮思得約自輔擢太子詹事丞從幸五臺山約諫不可以留卽日還又命取西兵器給宿衛士約謂詹事完澤曰詹事移文數千里取兵器人必驚疑主上聞之奈何完澤媿曰實慮不及此又欲取福建繡工童男女約曰福建去京師六七千里使人父子兄弟相離有司承風動擾豈美事邪仁宗稱善帝在西園觀角觝戲方收繒帛爲賜約入遙見問曰汝何爲來此仁宗遽止之又欲觀俳戲事已集而約至卽命罷去中書奏約爲陝西參政帝怒特拜河南右丞會詔更錢鈔法且令天下稅盡收至大鈔約度河南歲用鈔七萬錠必致上供不給乃下諸州凡至大至元鈔相半衆疑方詔旨約曰吾豈不知第歲終諸事不集責亦匪輕行省丞相卜

氏姓譜

卷八十四

七陽

王氏

堯

憐吉台稱善遣使曰中書省臣大悅遂徧行天下皇慶改元卽日命中書省曰可速名沐省王右丞來約至入見特拜集賢大學士延祐二年遣大臣分道宣撫命約巡行燕南山東道使還拜樞密副使以年七十致仕丞相拜住尊禮老成傳詔起約復拜集賢大學士每日一至中書議事廷議罷征東行省立三韓省約曰高麗去京四千里地瘠民貧彝俗雜尙非中原比萬一梗化疲力治之非幸事也不如守祖宗舊制議不行高麗人聞之圖其像歸祠而祀之焉文宗至順四年卒年八十二歲皇太后聞之遣徽政院官致奠所著史論及潛邸稿各三十卷嘗于大德七年按問高麗國事歸著高麗志四卷

王克敬字叔能大寧人初奇穎大寧在晋西鄙習尙少文克敬獨孜孜爲儒者事初仕江浙左右司都事省檄往四

明監倭人互市先是往監者懼番情叵測必嚴兵自衛克敬至悉屏去撫以恩信番帖然無敢諱鄱陽大飢總管王都中出廩粟賑糶之行省欲罪其擅發克敬曰饒距此千里比待命民且死彼爲仁而吾屬顧不仁邪遂得免仁宗延祐中拜監察御史用故事往監吏部選有履歷當升者吏故擲之問其故吏曰有過克敬曰法筭四十七以上不升今不至是吏曰責輕罪重曰失出在刑部銓曹安知其罪重卒升之治書侍御史張伯高曰往者監選以減駁爲能今王御史務崇寬厚可爲世道賀矣歷除南臺治書侍御史以正綱紀爲已任不阿宗戚聲譽益著順帝元統初出爲江浙參政有松江大姓歲漕米萬石獻京師者其人死子孫且貧有司仍雜置民賦中令包納克敬曰匹夫妄獻米徼名爵今身死家破豈可使一郡之人均其害且國

氏姓譜

卷八十四

七陽

王氏

李

用寧乏此邪奏免視事甫五月請老謂人曰穴趾而峻墉必爲再實之木必傷其根無功德而忝富貴何以異此又曰世俗喜言勿認真此非名言臨事不認真豈盡忠之道故歷官所至俱有政績可紀時稱名卿生平喜誦讀有所得輒手抄爲書所著詩文奏議傳世卒封梁郡公諡文肅王思誠字致道兗州嶧陽人七歲從師授孝經論語卽成誦家本業農其祖佑詬家人曰兒大不教力田反爲此迂儒事邪思誠愈自力學日進登至治元年進士順帝至正月初由國子司業拜監察御史疏言京畿自去秋不雨三冬無雪方春首月蝗生黃河水溢皆以人事而傷天和朝廷多是其議出僉河南山西道事行部武鄉監縣來迂思誠私語吏屬曰此必贓吏未幾果有愬于道者監縣伏罪吏屬問所以先知故曰衣敝衣乘駿馬非詐而何會國子監

諸生相率爲國仍命思誠爲司業比名諸生立堂下黜其首闕者五人罰而降齋者七十人勤者升惰者汰自是諸生更相勉勵超擢兵部侍郎以母喪歸甫禫起爲河間路總管磁河水頻溢決鉄燈千思誠集民丁作堤晝夜督工暮月而塞復築夾堤于外亘十餘里命瀕河民及弓手刈置草舍于上擊木以防盜決是年民獲耕藝歲用大稔暇則募民運碎甃治郭外行道往來者無泥塗之病所轄景州廣川鎮漢董仲舒故里也河間尊福鄉博士毛萇舊居也皆請建書院設山長員十二年除集賢侍講學士兼國子祭酒應詔言七事尋出爲西臺治書侍御史紅巾賊陷商州奪七盤進據藍田距奉元一舍思誠會安西諸王及省院官曰秦闕百二天下之重輕繫焉察罕帖木兒河南名將賊所素畏宜遣使求援上策也成將嫉客兵輒已論

氏姓譜

卷八十四

七陽

王氏

奎

久不決思誠曰吾兵弱旦夕失守咎將安歸乃移書察罕曰河南爲京師門戶陝西實內郡藩籬兩省相望互爲唇齒陝西危則河南豈能獨安時察罕新復陝州得書大喜曰先生有爲國救民之心吾寧負越境擅發之罪提兵倍道來援遂破賊旣而河南總兵官巢以擅調結問思誠亟言于朝帝命察罕帖木兒專守關陝有行樞密院掾史受賂事覺匿王邸御史捕之急並繫其母思誠過市見之曰古者罪人不孥况母乎吾不忍以子故而繫其母令釋之御史不從思誠因自劾不出諸御史皆謁謝復名拜國子祭酒方卧疾聞命卽起至朝邑卒于旅舍追諡獻肅

王玉真定寧晉人長身駢脅金季爲萬戶鎮趙州木華黎下中原玉率衆降命領本部軍從攻邢洛磁三州及濟南諸郡號長漢萬戶從攻潞州堅不下玉力戰流矢中左目

竟拔其城又破平陽下太原潞代等州師還署元帥府監軍以趙州四十寨隸焉先是金降將武仙叛玉從大軍致討駐軍寧晉東里寨仙遣人賁誥命誘玉妻降妻拒曰妾豈可使夫懷二心于國家邪仙圍之數匝殺其子寧壽玉聞之領數騎笑其圍仙遣人追之皆曰王將軍胆氣驍雄非我輩敵也仙乃盡發玉先世二十七家棄骸滿道玉從諸將擊仙于趙州仙糧絕脫走真定遂平加趙州慶源軍節度副使有民負西域賈人銀倍其母不能償玉出銀五千兩代之又出家奴二百餘口爲良民中統元年卒

王忱字允中玉子幼明敏有才識世祖命宿衛東宮已授山北遼東道副使憲吏耿熙言徵北京積年逋負計可得鈔二十萬錠帝遣使核實熙懼事露擅增制語有並打算大小一切語衙門等事十二字追繫官吏數百人忱驗問

氏姓譜

卷八十四

七陽

王氏

空

知其詐熙乃歎服改河北河南道副使鎮南帥唐兀台恣虐害民忱疏其罪劾之唐兀台陰結大臣反誣奏于帝逮忱至京師得面陳狀世祖大悟抵唐罪起忱爲燕南道副使累遷江陵汴梁兩路總管云

王國昌膠州高密人初爲膠州千戶中統元年入覲世祖察其能遷左武衛親軍千戶名聞軍旅事國昌奏對甚悉帝嘉之至元五年有上書者言高麗境內黑山海道至宋境爲近帝命國昌往視泛海千餘里風濤洶湧從者恐勸還國昌神色自若徐曰奉天子威命未畢事而遽返可乎遂至黑山乃還帝延見慰勞時東彝皆內附惟日本不受正朔帝知隋時曾與中國通遣使諭以威德令國昌率兵護送道經高麗會高麗有叛臣據珍島帝命國昌與經畧使史樞等攻拔之八年復遣使往日本乃命國昌屯高麗

之義安郡爲援俄卒于軍

王恂字敬甫中山唐縣人父良金末爲中山府掾時民遭亂後多以望諛繫獄良前後所活數百人已而棄去吏業潛心伊洛之學及天文律歷無不精究年九十二卒恂生三歲家人示以書輒識風丁二字母劉氏授以千字文再過目卽成誦六歲就學十三學九數輒造其極太保劉秉忠北上途經中山見而奇之及南還從秉忠學于磁之紫金山秉忠薦之世祖召見六盤山命爲太子伴讀中統二年擢右贊善時年二十八初中書左丞許衡集唐虞以來嘉言善政爲書以進世祖嘗命恂講解且命太子眞金受業焉又詔恂于太子起居飲食慎爲調護非所宜接之人勿令得侍左右恂言太子天下之本付託至重當延名德與之居處况兼領中書樞密之政詔條所當徧覽庶務亦

氏姓譜

卷八十四

七陽

王氏

奎

當屢省又言官吏以罪免者毋使更進軍官害人改用之際尤不可非其人民至愚而神變亂之餘吾不之疑則反覆化爲忠厚帝深然之恂早以算術名太子嘗問焉恂曰算數六藝之一定國家安人民乃大事也每侍左右必發明三綱五常之道及歷代治忽興亡之所以然又以遼金之事近接耳目者區別其善惡論著其得失上之太子嘗問爲學之要恂曰在正心問守心之道恂曰嘗聞許衡言人心如印板然板不差雖摹千萬本皆不差板一差則摹之無不差者太子深然之詔擇勲戚子弟使就學恂卓然以師道自任及從太子撫軍稱滄乃以諸生屬之許衡衡告老去復命恂領國子祭酒國學之制實始于此帝以國朝承用金大明歷歲久寢疏欲加釐正知恂精算術遂以命焉授恂太史令恂薦許衡明歷理詔驛名赴闕命領改

歷事官屬悉聽辟置恂與衡及楊恭懿郭守敬等徧考歷書四十餘家晝夜測驗創立新法參以古制推算極爲精密歷成賜名授時歷頒天下十八年居父喪哀毀日飲勺水帝遣內侍慰諭未幾卒年僅四十七仁宗延祐初追封定國公諡文肅子寬賓並從許衡遊得星歷之傳于家學官保章正副太子嘗召見語曰汝父起儒生貧無貲畜賜汝鈔五千貫用盡可復以聞因顧左右曰王贊善當言必言未嘗顧恤隨事規正裨益良多今鮮有其匹嗟悼不已

王汝字君璋鄆城人金末遷民南渡王汝奉其親從間道還行臺嚴實入據鄆署王汝爲掾史中書令耶律楚材過東平奇之版授東平路奏差官實年老艱于從戎王汝奏請以本府總管代行朝議以東平地裂爲十分封諸勲貴王汝聞之曰若是則嚴公事業存者無幾矣夜靜哭于

氏姓譜

卷十四

七陽

王氏

齋

楚材帳後明日名問故曰王汝爲嚴公之使今嚴公地分裂而不能救止無面目還報是以哭耳楚材惻然良久使詣帝前陳愬王汝進曰嚴實以三十萬戶歸朝廷崎嶇兵間三棄其家室卒無異志豈與他降者同今裂其土地析其人民非所以旌有功也帝以其言爲直由是得不分未幾忠濟嗣職授左右司郎中遂總行臺之政累官節度觀察二使充行臺參議謝病歸杜門日以經史自娛忠濟使人謂曰君閒久矣可甞起爲吾分憂以參議印強委之不得已起視事規畫煥然一新逾月遂卒

王伯勝霸州文安人兄伯順給事內廷爲世祖所親幸因以弟入見使宿衛時年甫十一廣額巨鼻狀貌屹然帝顧謂伯順曰此兒常勝汝可名伯勝從征乃顏以功授拱衛直都指揮使大德五年扈從上都天久雨久聞城西北有

聲如戰聲狀伯勝率衛卒出見大水暴至立具畚鍤集土石以塞諸門分決濠隍以泄其勢至旦始定而民弗知以侍成宗疾忤安西王意出爲大寧路總管伯順亦出爲梁王傳武宗卽位名拜大都留守兼少府監先是大都土城歲必衣葦以禦雨日久土益堅勞費益甚伯勝至悉奏罷之仁宗朝改遼陽行省平章省治懿州俗敝陋民不知學伯勝至卽增郡學弟子員選名師教育之使客至無旅舍乃擇地爲館廡度閒田百頃募民耕作以給廩餼歲大旱齋戒步禱禱畢卽兩人謂之平章雨延祐二年仍爲大都留守遼陽民具狀乞留不得請相與涕泣去英宗初奉詔監修文武樓劄威寧殿建太廟以勞卒于位追封薊國公諡曰忠敏伯順官至大司徒

王義字宜之眞定寧晉人少有胆智讀書知大義河朔盜

氏姓譜

卷八十四

七陽

王氏

五

起縣人相聚謀曰時事如此吾儕欲保全家室宜有所統屬乃共推義爲長攝縣事木華黎兵至城下義率衆降入覲太祖授寧晉令兼趙州以南招撫使時兵亂民廢耕所在人相食縣東有藪澤周百里中有小堡曰瀝城義曰瀝雖小而完且有魚藕菱芡之利不可失也留偏將守縣而身率衆保瀝城金將李伯祥據趙州義帥壯士挾長梯疾趨夜四鼓擣其城殺守陴者城中亂伯祥挺身走州遂定已拔東鹿進攻深州守帥以城降擢義深州節度使金將武仙攻東鹿積三十日不能下一夕義名僚佐曰今城守雖有餘然外無援兵食將盡豈可坐而待斃夜率銳士啣枚出乘暗襲仙營仙軍潰走還眞定仙復遣李伯祥謀襲趙州並取瀝城沿河列戰艦數百義率民兵截下流士卒皆水鄉人善水戰回旋開闔往來如風敵莫敢近遂保州

城乃布教令招集散亡勸率種藝深冀之間遂爲樂土云
王善字子善真定稟城人父增監本縣酒務以孝行稱善
姿儀雄偉音若洪鐘多智畧時羣盜蜂起衆推善爲長約
束備禦有方盜不敢犯權中山府治中時武仙鎮真定忌
善名密令知府李濟府判郭安圖之張宴伏兵名計事善
覺卽還治衆倉猝得八十人慷慨與盟人爭奮遂誅濟安
乃諭其黨曰造孽者李郭耳餘無所問夜卽北城上戒麾
下曰勿以我故累汝家當取吾頭獻帥府衆曰公何出此
言我輩惟有効死遂率衆降授同知中山府事仙走獲鹿
委其佐段琛城守善入據其城民爭迎附自中山以南降
州郡四十二遷中山真定等路招討使太祖十三年升稟
城爲匡國軍以善行帥府事仙窮迫請降詔復還鎮善奏
仙狼子野心終必反覆請修城隍備之未幾仙果叛悉衆

氏姓譜

卷八十四

七陽

王氏

奕

來攻火及西門善出戰却之仙使部下朱元俘老幼四千
人南奔善追奪之俾復完聚從征河南至鄭州州將馬伯
堅素聞善名登陴大呼曰稟城王元帥在軍中否願以城
降善直前免胄與語伯堅果率衆出民願從北渡者以萬
計授之土田安集得所太宗十三年授知中山府事屬縣
新樂地居要衝迎送供帳倍他所皆取于民善均其勞逸
所徵或未給輒出家貲代輸又放家僮五百人爲民人懷
其德卒封冀國公諡曰武靖子慶端官詹事丞

王都中亨元俞福寧州人父積翁仕宋爲福州招捕使至

元十三年以全閩圖籍來降除參知政事行省江西俄使
日本宣諭至其境遇害都中生三歲卽以恩授順昌縣尹
賜平江田八千畝宅一區已而世祖追念其父特授平江
路總管府治中時年甫十七僚吏見其少頗易之都中遇

事高析動中宵蔡皆睥睨不敢欺學舍久埋不治都中曰
聖人之道人所共由卽首募大家台錢新其禮殿秩滿除
浙東道副使武宗詔更鈔法行銅錢以都中爲通才改江
淮泉貨監凡天下爲監者六惟江淮所鑄錢最精遷郴州
路總管郴民染蠻俗喜鬪爭都中乃大治學舍作籩豆簠
簋笙磬琴瑟諸屬使其民識先王禮樂之器延宿儒教學
其中開曉以義理俗爲之變尋移饒州路年飢米價翔湧
都中出官倉米定其價爲三等言于行省謂須糶以下等
價民乃可得食未報又于下等價減十之二使民就糶行
省怒其專都中曰饒去杭二千里往還定議非半月不可
人七日不食則死安能忍死以待邪俄以內憂去服闋除
兩浙都轉運益使舊制益亭竈戶俄遷福建道宣慰使後
改浙東文宗天歷初又徙廣東道三易鎮所至皆有聲順

氏姓譜

卷十四

七陽

王氏

奎

帝元統初廷議以兩淮益法久壞仍命都中理其事既至
卽前所行于浙者次第施之議政賴以修舉尋拜河南參
政中道以疾歸卒謚清獻都中歷官四十載清白得之家
傳所賜田宅外不增一疇不易一椽廩粟悉給族姻之貧
者中年尤致力根本之學自號本齋有詩集三卷子畛字
季野成都路判官清峻有父風真草皆師二王度越流輩
王大中爲江州總管至元二年大飢大中貸富人粟以賑
貧民而免富人雜徭以爲息約豐年還之民始得生其循
聲與盧琦埒

王天與字立大別號梅浦江西吉安人初習舉子業諸生
從游者甚衆後乃研精覃思著尚書纂傳四十六卷先引
漢唐二孔氏之說次收諸家傳注而一以晦菴朱子西山
真氏爲歸雖其說之散在文集語錄者靡不會萃于中反

復考證經十五年而後成其心似薄蔡氏而不攻其非問亦采撫其說大德三年憲使臧夢解上書于朝詔授臨江路儒學教授武宗至大中其子振板行之

王充耘字耕野江西人元統初以書經成進士授同知永新州事尋棄官養母晚益潛心尚書考訂蔡傳而誌其所見自微辭與旨名物訓詁以至山川疆里靡不究竟辨析而不苟爲臆說阿附名曰讀書管見凡二卷充耘沒從子光薦度其書復塵中故遭亂而獲全外有書義主意書義矜式各六卷並見抄本

王楚翁字太古婺源州人宋遺民性嗜易辟鎮江學正謂此職十年亦不得至鄉相棄官歸著見易篇極卦畫之所以然而皆本河圖洛書自然之法象旣卽圖書詳論人所以取則而畫卦作範之故復改正洛書已兆于神禹以前

氏姓譜

卷十四

七陽

王氏

交

且援列禦寇于華子乾鑿度與黃庭經之辭以證劉長民九爲圖之說復辨孔安國劉向父子班固僞闕氏易相承立說之非又有周易分注主于明象以考變有司具錄進呈時尙程朱易說皆駭所聞見吳澂方爲冑監師見而說之所注易纂言多采其說

王申于字異卿邗州人寓居慈利天門山著大易緝說十卷嘗見魏鶴山答蔣得之書及史學齋臨汝講義皆祖張觀物語以九其圖者見後天八卦之象十其書者具洪範五行之數謂晦菴不及見是書故謂十圖而九書此讀易者一大疑事申于力探其原而正之取十其圖者分緯之以畫先天九其書者錯綜之以位後天不假穿鑿直可斷千古疑案皇慶二年徵爲南陽書院山長尙有春秋類傳

周禮正義等作

王景賢號愚谷海康人少領鄉薦爲邕州路教授歷慶路
天河二縣尹學博行修著作趙逸文宗出居海南得所爲
詩嘉其清雋手書愚谷二大字賜之卽位更賜六花官袍
王炎午字鼎翁安福人宋末爲上舍生少負氣節母沒廬
墓左終身不歸文天祥被執過青原炎午作生祭文遺之
及張千載持天祥齒髮歸炎午大慟復爲文祭之所著有
吾汶稿梅邊集

王立中其先自京兆徙閩州博學善詩文由慈溪縣尉遷
松江知府有廉聲所著有息菴寓齋穉隱三集

王鼎字大鼐林州人與同邑翟炳賈竹皆工翰墨能詩隱
居不出時稱林慮三隱人罕覩其面者故其著作多不傳
王原杰字子英吳江人至正間領鄉舉值軍興不樂仕著
春秋讞議十二卷其文曰貞白英華集詩曰水雲清泉集

氏姓譜

卷八十四

七陽

王氏

堯

王逢字原吉江陰州人才氣爽俠以能詩名于時至正中
作河清頌臺臣薦之稱疾辭晚年避亂上海之烏涇築草
堂以居自號最閒園丁又稱席帽山人有梧溪詩集七卷
記載宋元之際人才國事多史家所未備者

王通國昌子襲千戶從諸軍伐宋渡江鎮鄂州時潭州不
下兵薄其城通以所將千人破其柵宋兵遁去通縱兵追
擊殺獲甚衆從攻靜江下之通上言今南方以定而北陲
未安請屯田和林率所部自効帝慰勞遣之從破敵兵于
金山俘獲生口及馬羊牛駝不可勝計屯田瓜沙諸州武
宗卽位遷屯儲衛親軍都指揮使鎮海口以疾卒

王禮字子讓廬陵人元統初與李祁同登左榜進士元亡
不仕日以鐵拄杖採詩山谷間著作甚富不求聲于時故

少所聞于世云

王振鵬永嘉人工畫山水人物尤精界畫文宗詔繪殿壁稱旨欲官之不受賜號孤雲居士時人重其品以幣交者履錯戶外苟非其人未嘗輕點一筆所傳春明奪標圖與清明上河圖同價嘗奉詔作十妃冊藏之內府天台衛九鼎能得其傳

王端孛若水號澹軒錢塘人幼習丹青嘗侍趙孟頫多得指教故落筆皆師古人無一毫院體山水師郭熙花鳥師黃筌人物師唐人各極神品淺墨花鳥竹石尤當代絕藝王蒙字叔明吳興人家住黃鶴山下故號黃鶴山樵趙孟頫甥也能詩文不尚矩度頃刻數千言可就畫山水得外氏法秀潤可愛亦偶作人物瀟灑大雅生平不用絹素惟于紙上寫之其得意之筆嘗用數家皴法山水多至數十重樹木不下數十種徑路迂迴烟靄微茫曲盡山林幽致

氏姓譜

卷八十四

七陽

王氏

七

後官泰安知州廳事後有樓面泰山蒙張絹素于壁興至捉筆三年而圖成有陳汝言者夙善詩畫一日過訪方展圖雪大作欲改爲雪景而難于設色汝言沉思良久曰得之矣爲小弓夾粉筆張滿彈之儼如飛舞蒙遂叫絕題曰岱宗密雪圖蒙與汝言皆不得其死

王簡字伯敬濱州霑化人以材薦由烏程縣尹遷知福寧州至正十二年轉福建鹽運同知紅巾賊起江淮由撫州入閩憲府以時方倣擾仍留領州事未幾賊自邵武間道徧福寧乃與監州阿撒都刺募丁壯五萬分扼險要賊至楊梅嶺立柵簡與仲于相馳破之賊帥王善擁衆直壓州西門胥隸皆解散麾下惟白挺市兒數百人簡射賊不反顧俄馬中流矢馬蹶遂見執善曰聞公有惠政欲屈再尹此州簡訶之曰我天子命官不幸失守義當死肯從汝反

乎善怒此左右搯以跪弗屈羣毆之簡嚼舌以血喫善曰
反賊殺卽殺何以毆爲吾民天民也不可害官軍旦暮且
至百萬之師雷擊電掃汝輩小醜將無遺種顧敢爾邪有
頃賊執阿撒都刺至善厲聲責其拒鬪噤不能對簡復唾
善曰我殺賊何言拒邪我死當爲神以殺汝言訖挺頸受
刃頸斷無血惟涌白沫如乳暴屍數日色不變賊並殺阿
撒都刺欲釋相官之相詈曰吾與汝不其戴天恨不寸斬
汝肯受汝官邪賊殺之妻潘氏絜二女逃民間聞變恐被
辱母子同縊死簡旣沒賊時覩其引兵出入有州僧林德
誠者奮義討賊望空禱曰王州尹宜率陰兵助我賊遙見
四面皆紅衣軍大懼走福寧遂平事聞追封太原郡侯

王英字邦傑益都人性剛果有大節膂力絕人襲父職爲
莒州翼千戶父子皆善雙刀世號刀王世祖至元二十九

氏姓譜 卷十四 七陽 王氏 圭

年江西行院命往南雄討邱太老等成宗元貞初從左丞
董士選討山西劉貴所至皆有功歷官同知海北海南道
宣慰司事後至元初漳州李志甫潮州劉虎仔並起爲亂
時英已致仕平章伯撒里謂其僚佐曰是非刀王行不可
其人可以義激遣使迎致之英曰國家有事吾雖老其可
坐視乎據鞍橫槊精神飛動馳赴焉及賊平英功居首至
正中毛貴陷益都英時年九十六顧謂其子宏曰我世受
國恩美官厚祿備嘗享之今老矣縱不能事戎馬以報天
子尙忍食異姓之粟以求生乎水漿不入口者數日遂卒
貴聞之使其棺衾以葬將斂舉其尸不動焚香祝曰公子
宏請公歸葬先塋祝畢尸遂起憲司請恤于朝曰不食寇
粟餓死芹泉有夷齊之風爲臣之清者也

王遜志字文敬衛州汲縣人翰林學士惲之曾孫也以廕

授侍儀司通事舍人由監察御史出爲江西廉訪副使名
僉太常禮儀院事明兵逼京師有旨命陳祖仁及遜志載
太廟神主從皇太子北行遜志執不可京城不守公卿爭
出降遜志獨家居正衣冠而坐其友中政院判官王翼來
告曰新朝寬大盍出詣官自言狀遜志斥之曰君旣自不
忠又誘人爲不義邪因戒其子曰汝謹繼吾宗卽日投居
賢坊井而死

王閏東平須城人父素饒于財垂老費且盡不甘淡薄閏
朝夕勤苦入市營奉無闕父性愎多戾閏左右承順甚得
其歡心及父卧疾夜燃長明燈室中火延籬壁間驚起
馳救火已熾煙酸蔽寢戶閏突入火中解衣蒙父抱而出
肌體灼爛而父無少傷一女不能救遂焚死焉

王思聰延安塞人素力田農隙則教諸生得束修以養
氏姓譜

卷十四

七陽

王氏

圭

親母喪盡哀事繼母如所生以家多幼稚侵父食別築室
曰養老堂奉之朝夕定省無間父嘗病劇思聰拜祈于天
得神泉飲之而愈兩目失明思聰舐之復能視人以爲異
王初應漳州長泰人從父樵劉嶺山有虎出叢棘中搏其
父傷右肩初應奮救抽鎌刀刺虎鼻殺之父獲甍皇慶元
年詔旌其孝行

王士宏延安中部人父有疾士宏傾家貲求醫及父沒廬
墓三年足未嘗至家墓廬上有奇鷲來巢飛鳥翔集與士
宏若相狎然終喪復建祠堂前朔望必往奠祭風雨不廢
王庸字伯常雄州歸信人母有疾庸夜禱北辰至叩頭出
血母疾遂愈及母卒露處墓前旦夕悲號一夕雷雨暴至
鄰人持寢席往蔽之見庸坐卧地獨不霑濕咸嘆異而去
王成平海康人素驍勇西粵患盜亂調成平往禦常戴皮

寇衝擊莫當其鋒軍中皆畏帽兒王至正間徭復侵雷州大恣焚掠成平疾趨歸雷奮騎馳斬數十人徭知爲帽兒王遂大潰乘勝追殺餘賊賊暗發毒矢射殺之民哀號塑其像于黑神祠

王一山杭州儒家子居吳山第一樓屬邑有一巨室與之友後以罪逃匿憲使怒揭示大達匿者罪連坐首捕者賞萬緡一山隱友于密室期月不發鄰家察知圖給賞告于官併逮繫憲使詰之曰汝見示罪賞奚不就利避告一山曰友朋顛連來奔乘危以售則名教中所不容某誠弗忍連坐甘心使悚然釋之焉

王倚苑平人讀書務躬行不事章句世祖選倚侍東宮有詔皇太子裁英天下事凡時政民瘼倚知無不言後拜工部尙書以疾辭職給太子家丞祿優養之及卒追封太原

氏姓譜

卷八十四

七陽

王氏

七

郡公諡曰忠肅

王居敬台州路總管清修苦節視民如子置中津橋田以絕吏奸後去任民思之爲立去思碑

王文彪知湘鄉縣伸冤抑強士庶仰之如父母奸黨畏之如雷霆廉介之名振駭湖湘

王克已延安中部人父沒克已負土築墳廬于墓側時亂兵縱掠民皆逃窟克已獨守墓不去家人呼之避兵克已曰吾誓守墓三年以報吾親雖死不忍棄俄兵至見其身衣縗狂形容憔悴曰此孝子也竟不忍害云

王薦福寧州人性孝而好義父嘗疾甚薦夜禱于天願減已年益父壽父絕而復甦久之果愈母病渴曰得瓜以啖渴可止時冬月求之鄉不得行至深奧嶺值大雪避樹下思母病仰天而哭忽見巖石間青蔓離披有二瓜焉因摘

歸奉母母食之渴頓止兄早世嫂更適劉劉嘗以田糶于薦及死不能葬且無子族以其貧莫肯爲之後薦卽以田還之使置後且治葬具州禁民久淹親柩時民貧未葬者衆畏禁悉焚柩棄骨野中薦置地爲義阡收葬焉會大旱民艱糶盡出儲粟賑之有施福等十一家飢欲死薦聞之惻然奈家粟已竭卽出已田易穀百石以濟福等德其活已每月朔會佛祠爲祈福云

王銓字伯衡安仁人登進士歷温州守及州陷銓公服坐堂上寇至問何不去銓曰方州大臣與城存亡去將何適吾負國托付死有餘辜但不可延累吾民吾當爲厲鬼以報寇不忍殺乃以言激怒引頸受刃而死其女聞之亦抱子赴水以殉

王元恭至元六年慶元路總管下車問民疾苦馭吏卒有氏姓譜

卷八十四

七陽

王氏

壽

威興葺學官舉鄉飲立義阡建石橋考詢水利平反冤獄政治大洽

王幼學望江人篤志力學嘗讀朱子通鑑綱目苦其援引幽邃句讀疑難乃博采經傳著爲綱目集覽以便學者云
王昌延祐初爲餘杭尹政績著聞惠及傍邑轉徽州路推官及卒還葬餘杭觀國山民思之立石頌其功塑像祀之
王德新莘縣人爲淮東廉訪司僉事丁父母憂廬墓七年不茹葷酒諸道交章薦之有曰孝符曾閱學紹朱程後旌表其孝廉

王方貴韶州路經歷學博識高爲政有惠澤及民公餘纂曲江志人多稱之云

王當陽元初遇異人能幻化之術後游武當而歸于郡南平頂山建昇平道院修煉其中撰精語後端坐而化時年

王居仁涉縣尹邑城東隅歲為山水圯壞民不寧居居仁設法築堤患乃息去任民攀留不忍釋後慕其德為刻石王吉才龍溪人篤志古道尤明典禮元時郡守知其有心之學延為弟子師後為泉州學正吉才天性孝敬親終皆及期耄已且老哀慕痛毀有如早喪雖在家庭亦冠衣歛容人未見其遽言怒色自號益齋學者稱為益齋先生王文政至元中為魯山尹發奸適伏政令一新課農勸士惠政及民及去邑人為立去思碑

王賢元城人登進士歷官福建鹽運同知累遷浙江廉訪使清介端謹為世所稱以引年致仕壽百有十歲

明

王志臨淮人以鄉兵從太祖于濠下滁和從渡江屢騰柵

氏姓譜

卷八十四

七陽

王氏

書

先登身冒矢石授右副元帥從取常州寧國江陰復宜興攻高郵搗九江下黃梅鏖戰鄱陽從平武昌還克廬州敗張士誠兵追奔四十里以親軍衛指揮使改六安衛守六安從幸汴梁渡河取懷慶澤潞留守平陽大將軍徐達西伐會師克興元洪武三年進同知都督府事封六安侯歲祿九百石予世券移守漢中帥兵出察罕腦兒塞還鎮平陽復從大將軍征沙漠其後用兵西南皆以偏將軍從雖無首功然持重未嘗敗衄其攻合肥敗樓兒張禽吳副使為戰功第一領山西都司衛所軍務帝稱其處置得宜十六年督兵往雲南品甸繕城池立屯堡置驛傳安輯其民十九年卒追封許國公諡曰襄簡子威嗣

王嗣其先定遠人後徙臨淮善用雙刀號雙刀王初結鄉里依三台山樹柵自保踰年帥所部來歸太祖知其才使

備宿衛破張士誠兵于湖州取池州石埭攻婺源州斬寧
將鐵木兒不花拔其城獲甲三千擢元帥下蘭溪金華諸
暨援池州復大平下龍興吉安大戰鄱陽邀擊陳友諒于
涇江口從平武昌還克廬州拔安豐破襄陽安陸取淮東
克舊館降士誠將朱暹遂取湖州遷驍騎右衛親軍指揮
使進圍平江弼軍盤門士誠親帥銳士突圍出西門搏戰
將奔常遇春軍遇春分兵北濠截其後而別遣兵與戰士
誠軍殊死鬪遇春撫弼臂曰軍中皆禰爾健將能爲我取
此乎弼應曰諾馳騎飛雙刀奮擊敵小却遇春帥衆乘之
吳兵大敗人馬溺死沙盆潭者甚衆士誠馬逸墮水幾不
救肩輿入城自是不敢復出吳平賞賚甚厚洪武十一年
副西平侯沐英征西番降朶甘諸酋及洮州十八族殺獲
甚衆論功封定遠侯食祿二千石二十年以副將軍從馮

氏姓譜

卷八十四

七陽 王氏

美

勝北伐降納哈出明年復以副將軍從藍玉出塞深入不
見敵玉欲引還弼持不可玉從之進至捕魚兒海以弼爲
前鋒直薄敵營走元嗣主脫古思鐵木兒盡獲其輜重二
十五年從馮勝傅友德練軍山西河南明年同名還先後
賜死爵除弼子六人女爲楚王妃

王銘字子敬和州人初隸元帥俞通海麾下從攻蠻子海
牙于采石以銘驍勇選充奇兵戰方合帥敢死士大譟突
之拔其水寨自是數有功與吳軍戰太湖流矢中右臂引
佩刀出其鏃復戰通海勞之復放通州之黃橋鵝頂諸寨
賜白金文綺龍灣之戰逐北至采石銘獨突敵陣敵兵攢
槊刺銘傷頰銘三出三人所殺傷過當賜文綺銀梳選充
宿衛從取江州戰康郎山及涇江口復克英山諸寨擢管
軍百戶從副將軍常遇春戰湖州之弁山再戰舊館已又

戰烏鎮前後數十戰功多命守松江移太倉捕斬倭寇千餘人再賜金幣洪武四年都試百戶諸善用槍者率莫能與銘抗累官至長淮衛指揮僉事移守溫州子世襲銘嘗請告暫還和州溫之士女遮道送迎長吏皆相顧歎曰吾屬爲天子牧民民視吾屬去來漠然愧王指揮多矣歷右軍都督僉事二十六年坐藍玉黨死

王佑泰和人官廣西僉事時按察使尋適嘗咨以政體佑曰蠻方之人瀆倫傷化不及此時明禮法示勸懲後難治迨從之廣西稱治蜀平徙佑知重慶州招徠撫輯甚得民和坐事免官卒

王溥桂林人洪武末爲廣東參政有廉名其弟自家來省屬吏與同舟贈以布袍溥命還之曰一衣雖微不可不慎此汙行辱身之漸也根運由海道多漂沒溥至庾嶺相度

氏姓譜

卷之四

七陽 王氏

七

形勢命有司鑿石填塹修治橋梁易以車運民甚便之居官數年筭無重衣庖無兼饌以誣逮下詔獄寮屬餽贖皆不受曰吾豈以患難易其心哉事白得歸卒

王宗顯和州人僑居嚴州胡大海克嚴禮致幕中太祖征婺州大海以宗顯見太祖曰我鄉里也命至婺覘敵宗顯潛得城中虛實及諸將短長還白太祖太祖喜曰我得婺以爾爲知府旣而元樞密同僉審安慶與守將帖木烈思貳遣都事繩城請降開東門納兵與宗顯所刺事合改婺州爲寧越府以宗顯知府事宗顯故儒者博涉經史開郡學聘葉儀朱濂爲五經師戴良爲學正吳沆徐源等爲訓導自兵興學校久廢至是始聞絃誦之聲未幾卒于官

王興宗故隸人太祖下婺州以興宗爲金華知縣李善長李文忠皆以爲不可太祖曰興宗從我久勤廉能斷儒生

法吏莫先也居三年果以治行聞遷判南昌改知嵩州時方籍民爲軍興宗奏曰元未聚民爲兵散則仍爲民今軍民分矣若籍爲軍則無民何所征賦帝曰善遷懷慶知府上計至京帝以事詰諸郡守至興宗獨曰是守公勤不貪不須問再遷蘇州擢河南布政使陞辭帝曰久不見爾老矣我鬚亦白宴而遣之益勤其職後坐累得白卒于官

王興福隨人初守徽州有善政遷杭州杭初附人心未安興福善撫輯民甚德之秩滿當遷郡人遮道攀留興福諭遣之曰非余能惠父老父老善守法耳太祖嘉之擢吏部尙書坐事左遷西安知府卒于官

王觀字尙賓祥符人性耿介儀度英偉善談論由鄉薦入太學擢知蘇州府公廉有威黠吏錢英屢陷長官觀捶殺之事聞太祖遣行人齎敕褒之勞以御酒歲大稔民多逋賦部使者督甚急觀置酒延諸富人勸貸貧民償辭指誠懇富人皆感動逋賦以完朝廷嘉其能榜以勵天下守蘇者前有季亨魏觀後有姚善况鍾皆賢稱姑蘇五太守並祀學宮

氏姓譜 卷八十四 七陽 王氏 庚

王士宏知寧海靖海侯吳楨奉命收方氏故卒無賴子誣引平民台溫騷然士宏上封事辭極懇切詔罷民賴以安

王彬字文質東平人洪武中進士後遷御史巡按江淮駐揚州嬰城堅守時盛庸兵旣敗人無固志守將王禮謀舉城降彬執之及其黨繫獄彬修守具晝夜不懈有力士能舉千斤彬嘗以自隨燕兵飛書城中縛王御史降者官三品左右憚力士莫敢動禮弟崇賂力士母誘其子出乘彬解甲浴粹縛之出禮于獄開門納燕師彬不屈遂死焉

王指揮臨淮人常騎小馬軍中呼小馬王駝白溝河被重

劉脫曹付僕曰吾爲國捐軀以此報家人立馬植戈而死
王省字子職吉水人洪武五年領鄉舉至京詔免會試命
吏部授官省言親老乞歸養尋以文學徵太祖親試稱旨
當殊擢自陳才薄親老乞便養授浮梁教諭凡三爲教官
最後得濟陽燕兵至爲游兵所執從容引譬詞義慷慨衆
舍之歸坐明倫堂伐鼓聚諸生謂曰若等知此堂何名今
日君臣之義何如因大哭諸生亦哭省以頭觸柱死女靜
適卽墨主簿周岐鳳聞燕兵至濟陽知父必死三遣人往
訪得遺骸歸葬焉

王良字敬止吉水人建文二年進士對策第一貌寢易以
胡靖卽胡廣也良次之又次李貫三人皆同里並授修撰
如洪武中故事設文史館居之預修太祖實錄及類要時
政記諸書一時大著作皆綜理之數上書言時務燕兵薄

氏姓譜

卷十四

七陽

王氏

七

京城良與妻子訣曰食人之祿者死人之事吾不可復生
矣解縉吳溥與良靖比舍居城陷前一夕皆集溥舍縉陳
說大義靖亦奮激慷慨良獨流涕不言三人去溥子與弼
尙幼歎曰胡叔能死是大佳事溥曰不然獨王叔死耳語
未畢隔牆聞靖呼外喧甚謹視豚溥顧與弼曰一豚尙不
能舍肯舍舍生乎須臾良舍哭飲鴆死矣縉馳謁成祖甚喜
明日薦靖名至叩頭謝貫亦迎附後貫選中允坐累死獄
中臨卒歎曰吾愧王止敬矣

王叔英字原采黃巖人洪武中與楊大中葉見泰方孝孺
林右並徵至叔英固辭歸二十年以薦爲仙居訓導改德
安教授遷漢陽知縣多惠政歲旱絕食以禱立應建文時
名爲翰林修撰上資治八策帝嘉納之燕兵至淮奉詔募
兵行至廣德京城不守會齊泰來奔叔英謂泰貳心欲逃

之秦告以故乃相持慟哭共圖後舉已知事不可爲沐浴更衣冠書絕命詞藏衣裾間自經于元妙觀銀杏樹下天台道士盛希年葬之城西五里其詞曰人生穹壤間忠孝貴克全嗟予事君父自省多過愆有志未及竟奇疾忽見纏肥甘空在案對之不下咽意者造化神有命歸九泉嘗念夷與齊餓死首陽巔周粟豈不佳所見良獨偏高蹤渺難繼偶爾無足傳千秋史官筆慎勿稱希賢又題其案曰生旣已矣未有補于當時死亦徒然庶無愧于後世燕王稱帝陳瑛簿錄其家妻金氏自經二女下錦衣獄赴井死

王良

字天性

祥符人

洪武末

累官

都御史坐獲其僚友

獄貶刑部郎中建文中歷遷刑部左侍郎議減燕府人罪不稱旨出爲浙江按察使燕王卽位頗德之遣使召良良執使者將斬之衆劫之去良集諸司印于私第將自殺未

卷八十四

七陽

王氏

今

卽決妻問故曰吾分應死未知所以處汝耳妻曰君男子

乃爲婦人謀乎饋良食食已抱其子入後園置于池旁投水死良殮妻畢以子付友人家積薪自焚印俱毀成祖曰死固良分朝廷印不可毀毀印良不得無罪徙其家于邊王璉字器之日照人博通經史尤長于春秋初爲教授坐事譴遠方洪武末以賢能薦授寧波知府夜四鼓卽秉燭讀書聲徹署外間詣學課諸生諸生率四鼓起誦習無敢懈毀境內淫祠三皇祠亦在毀中或以爲疑璉曰不當祠而祠曰淫不得祠而祠曰瀆惟天子得祭三皇于土庶人無預毀之何疑自奉儉約一日饌用魚羹璉謂其妻曰若不噫吾啖草根時邪命撤而埋之人號埋羹太守燕師臨江璉造舟艦謀勤王爲衛卒縛至京成祖問造舟何爲對曰欲泛海趨瓜洲阻師南渡耳帝亦不罪放璉里以壽終

王英字時彥金谿人永樂二年進士選庶吉士讀書文淵閣帝察其慎密令與王直書機密文字與修太祖實錄授翰林院修撰進侍讀仁宗卽位累進右春坊大學士乞省親歸宣宗立還朝是時海內宴安天子雅意文章每與諸學士談論文藝賞花賦詩禮接優渥嘗謂英曰洪武中學士有宋濂吳沈朱善劉三吾永樂初則解縉胡廣汝勉之毋俾前人獨專其美修太宗仁宗實錄成遷少詹事賜麒麟帶母喪特與葬祭遣中官護歸尋起復正統元年命侍經筵總裁宣宗實錄進禮部侍郎八年命理部事浙江民疫遣祭南鎮時久旱英至大雨民呼侍郎兩年七十再乞休不許十二年英子按察副使裕坐事下獄英上疏待罪宥不問明年進南京禮部尙書俾就閒逸居二年卒年七十五賜祭葬諡文安英端凝持重歷仕四朝在翰林四十

氏姓譜

卷八十四

七陽

王氏

全

餘年屢爲會試考官朝廷制作多出其手四方求銘志碑記者不絕性直諒好規人過云

王瑜字廷器山陽人以總旗隸趙王府永樂末常山護衛指揮孟賢等與宦官黃儼結謀弑帝廢太子而立趙王其黨高正者瑜舅也密告瑜瑜大驚曰奈何爲此族滅計垂涕諫不聽正懼謀泄將殺瑜瑜遂詣闕告變按治有驗賢等盡伏誅而授瑜遼海衛千戶仁宗卽位擢錦衣衛指揮同知厚賜之並戒同官事必白瑜乃行瑜持大體不爲苛細廷中稱其賢宣德八年進都指揮僉事充左副總兵代陳瑄鎮淮安董漕運屢進左軍都督僉事淮安瑜故鄉也人以爲榮在淮數年守瑄成法不變有善政民有親在與弟訟產者瑜曰訟弟不友無親不孝杖而斥之又有負金不能償至翁婿兄弟相訟者瑜曰奈何以財故傷恩卽代

償勸其敦睦二卒盜敗舟一板有司以盜官物坐卒死瑜
日兩卒之命抵敗舟一板耶竟得末滅歲凶發官廩以賑
後入京得疾卒

王宇字仲宏祥符人童卯時日記萬言巡撫侍郎于謙奇
之登正統四年進士授南京戶部主事秩滿當轉郎中吏
部以宇才特用爲撫州知府爲政簡靜而鋤強遏奸凜不
可犯一府大治天順元年所司上其治行詔賜話命頃之
擢山東右布政使命撫恤所屬飢民明年遷右副都御史
巡撫宣府中官嚴順都督張林等令家人承納芻糧宇劾
奏都御史寇深爲解帝切責深尋命兼撫大同石亨及從
子彪驕恣大同其舊鎮地徵索尤橫宇抗疏論其姦乞置
之法疏雖不行聞者敬憚督餉郎中楊益不能備芻藁爲
宇所劾戶部庇之宇並劾尙書沈固等皆輸罪遭喪起復

氏姓譜

卷十四

七陽

王氏

全

爲大理卿固辭不許宇剛介所至有盛名居大理平反爲
多七年卒

王信字君實南鄭人生半歲父忠征北戰沒母岳氏苦節
育之後俱獲旌正統中信襲寬河衛千戶成化初積功至
都指揮僉事守備荆襄劉千斤反信以房縣險進據之民
兵不滿千人賊衆四千突至圍其城拒四十餘日選死士
出城五六里舉礮賊疑援至驚走追敗之已白圭統大軍
至以信爲右叅將分道抵後巖山賊遂滅論功進都指揮
同知賊黨石龍復陷巫山信與諸將共平之而流民仍嘯
荆襄南陽間信以爲憂言于朝卽命信兼督南陽軍務賊
首李原等果亂信復與項忠討平之擢署都督僉事鎮守
臨清十三年以本官佩平蠻將軍印移鎮湖廣永順保靖
二宣慰世相仇殺信論以禍福兵卽解靖州及武崗蠻久

不戢守臣議剿之信親詣犒以牛酒責其無狀衆稽顙服罪二十一年巡撫馬馴等言副總兵周賢叅將彭倫官皆都督僉事而信反止署職宜量進一秩以重其權兵部言信無軍功帝特擢爲都督同知頃之改總督漕運帥府舊有湖擅爲利信開以泊漕艘勢要壅水一裁以法漕務修舉明年卒信沉毅簡重好觀書被服儒雅歷大鎮不營私產嘗曰儉足以久死後不累子孫所遺多矣故人婚喪傾資助之子繼善從善皆舉進士繼信總漕運

王佐海豐人永樂中舉于鄉卒業太學以學行聞擢吏科給事中器宇凝重奏對詳雅爲宣宗所簡注宣德二年起拜戶部右侍郎以太倉臨清德州淮徐諸倉多積弊敕佐巡視英宗初立出鎮河南奏言軍衛收納稅糧奸弊百出請變其制廷議自邊衛外皆改隸有司尋名還命督理甘

氏姓譜

卷八十四

七陽

王氏

全

肅軍餉正統元年理長蘆鹽課三年提督京師及通州倉塲所至事無不辦十一年承詔訊安鄉伯張安兄弟爭祿事坐與法司相諉被劾下吏獲釋時軍旅四出耗費動以鉅萬府庫空虛佐從容調劑節縮有方在戶部久不爲赫赫名而寬厚有度政務糾紛未嘗廢學人稱其君子土木之變與鄒埜丁鉞王永和鄧棨同死難贈少保官其子道戶部主事成化初諡曰忠簡

王道咸寧人洪武中起卒伍積功至燕山右護衛百戶燕兵起攻九門戰永平真定下廣昌徇鴈門從破滄州追南兵至滑口俘獲七千餘人累遷都指揮使淝河之戰真與白義劉江各帥百騎誘平安軍縛草置囊中爲束帛狀安追擊真等佯棄囊走安軍士競取之伏發兩軍鏖戰真帥壯士直前斬馘無算後軍不繼安軍圍之數匝真被重創

連格殺數十人顧左右曰我義不死敵手遂自刎成祖卽位追封金鄉侯諡忠壯真勇健有智畧成祖每追悼之曰奮武如王真何功不成不死功當冠諸將仁宗時追封寧國公加號効忠

王直字行儉泰和人父伯貞洪武十五年以明經聘至京時應詔者五百餘人伯貞對策第一授試僉事分巡廣東雷州復呂塘廢渠清盜法會罷分巡官名還爲戶部主事以父喪服闋不時起謫居安慶建文初復以薦知瓊州崖州黎相仇殺以反聞且用兵伯貞捕首惡兵遂罷瓊田歲常三穫以賦軍軍不時受俟民乏乃急歛以要利伯貞爲立期三輸之弊始絕居數年大治流民占籍者萬餘憂歸卒于家直幼端重家貧力學舉永樂二年進士改庶吉士與曾榮王英等二十八人同讀書文淵閣帝善其文召入

氏姓譜

卷八十四

七陽

王氏

命

內閣俾屬草尋授修撰歷事仁宗宣宗果遷少詹事兼侍讀學士正統三年宣宗實錄成進禮部侍郎學士如故八年正月代郭璉爲吏部尙書十一年戶部侍郎奈亨附王振搆郎中趙敏詞連直及侍郎曹義趙新並下獄三法司廷鞫論亨斬直等贖徙帝宥直義奪亨新俸帝將親征也先直率廷臣力諫帝不從命直留守王師覆于土木大臣羣請太后立皇子爲皇太子命鄭王攝政已勸王卽位以安反側時變起倉卒朝臣議屢上皆直爲首而直自以不如于謙每事推下之雍容鎮率而已加太子太保景泰元年也先使使議和且請還上皇下禮部議未決直率羣臣上言帝曰卿等言良然但前後使者五輩往終不得要領今復遣使設彼假送駕爲名來犯京師豈不爲蒼生患賊詐難信其更議已而瓦剌別部阿剌使復至胡濙等復以

爲言于是帝御文華殿門名諸大臣及言官諭以宜絕狀
直對曰必遣使毋貽後悔帝不悅于謙前爲解帝意釋羣
臣既退太監興安匍匐出呼曰若等固欲遣使有文天祥
富弼其人乎直大言曰廷臣惟天子使既食其祿敢辭難
乎言之再聲色愈厲安語塞乃議遣使命李實羅綺往既
行而瓦剌可汗脫脫不花也先使先後至將遣歸使者謂
館伴曰中國關外十四城皆爲我有前阿剌知院使來尙
遣人偕往今亦必得大臣同行庶有濟胡濛以聞下廷議
直等固請乃遣楊善等報之比實還又以也先使至具言
也先欲和狀直與寧陽侯陳懋等上疏請更遣使齎禮幣
往迎上皇不許復疏曰臣等與李實語具得彼中情事其
所需衣物資斧者上皇言也而奉迎車駕也先意也昨者
脫脫不花及阿剌知院使來皆有報使今也先使以迎請

氏姓譜

卷八十四

七陽 王氏

金

爲辭乃不遣使與借是疑敵而名兵也又不許已而實自
言于帝帝第報也先書就令楊善迎歸而已直等復上言
今北使已發願本上皇之心順臣民之願因彼悔心遣使
往報以圖迎復此不待計而決者也不然衆志難犯違天
不祥彼將執爲兵端邊事益棘京師亦不得高枕卧矣帝
乃命羣臣擇使直與陳懋等請仍遣實報曰候善歸議之
御史畢變等復上疏力言就令彼以詐來我以誠往萬一
不測則我之兵力固在帝終不聽已而善竟奉上皇還二
年也先遣使入貢且請答使直屢疏言邊備未修芻糧未
積瘡痍未復宜如其請遣使往以觀虛實開導其善不許
無何也先遣騎入塞以報使爲辭直與羣臣復請卒不許
直等乃復上疏帝曰善明年進少保帝欲易太子未發會
思明土知府黃玠以爲請帝喜下禮部議胡濛唯唯文武

諸臣議者九十一人當署各直有難色陳循濡筆強之乃署竟易皇太子直進兼太子太師賜金幣加等頓足歎曰此何等大事乃爲一蠻酋所壞吾輩愧死矣景帝疾亟直懷等會諸大臣臺諫請復立沂王爲皇太子推大學士商輅草疏未上而石亨徐有貞等奪門迎上皇復位殺王文等疏草留姚夔所嘗出以示郎中陸祖敷曰是疏不及進天也直遂乞休賜璽書金綺楮幣給驛歸直爲人方面修髯儀觀甚偉性嚴重不苟言笑及與人交恂恂如也在翰林二十餘年稽古代言編纂紀注之事多出其手與金谿王英齊名人稱二王以居地目直曰東王英曰西王直以次當入閣楊士奇不欲也及長吏部益廉慎時初罷廷臣薦舉方面大吏專屬吏部直委任曹郎嚴抑奔競凡御史巡方歸者必令具所屬賢否以備選擇稱得人其子積爲

氏姓譜

卷之十四

七陽

王氏

矣

南國子博士考績至部文選郎欲留侍直直不可曰是亂法自我始也朝廷以直老命何文淵爲尙書佐之文淵去又命王翱部遂有二尙書直爲尙書十四年年益高名德日益重帝優禮之免其常朝比家居嘗從諸佃僕耕蒔擊鼓歌唱諸子孫更迭舉觴上壽直歎曰曩者西揚抑我令不得共事然使我在閣今上復辟當不免遼陽之行安得與汝曹爲樂哉天順六年卒年八十四贈太保諡曰文端

王軾字用敬公安人天順八年進士授大理右評事遷右寺正錄囚四川平反百餘人擢四川副使歲凶請官銀十萬兩爲糴費以按嘉定同知盛崇仁贓罪被許下吏事白還職改陝西宏治初擢四川按察使三年遷南京右僉都御史提督操江八年進右副都御史總理南京糧儲旋命巡撫貴州明年入爲大理卿詔與刑部裁定條例頒天下

十三年拜南京戶部尙書尋命兼左副都御史督貴州軍務討普安賊婦米魯時鎮守中官楊友總兵官曹愷巡撫錢鉞共發兵討魯大敗于阿馬坡都指揮吳遠被執普安幾陷友等請濟師乃以命軾軾未至而友等遣人招賊賊揚言欲降益擁衆攻圍普安安南衛城斷盤江道勢愈熾又乘間劫執友右布政使閻鉅按察使劉福都指揮李宗武郭仁史韜李雄吳達等死焉軾至以便宜調廣西湖廣雲南四川官軍土兵八萬人合貴州兵分八道進使致仕都督王通將一軍十五年正月參將趙晟破六墜砦賊遁過盤江都指揮張泰等渡江追擊指揮劉懷等遂進解安南衛圍而愷通及都指揮李政亦各破賊砦賊還攻平夷衛及大河扼勒諸堡都御史陳金以雲南兵禦之賊遁歸馬尾籠寨官軍聚攻益急土官鳳英等格殺米魯餘黨遂

民姓譜

卷八十四

七陽

王氏

全

平用兵凡五月破賊砦千餘斬首四千八百有奇俘獲一千二百捷聞帝大喜嘉勞名還京賜賚有加錄功加太子少保已改南京兵部參贊機務連乞致仕不允武宗立遇疾復請詔加太子太保賜勅乘傳歸卒贈太保諡曰襄簡王璽太原左衛指揮同知也成化初擢署都指揮僉事守禦黃河七壘巡撫李侃薦于朝阿魯出寇延綏命充游擊將軍赴援戰孤山堡敗之寇再入戰慢天嶺劉宗鳴及漫塔水磨川皆有功進都指揮同知充副總兵鎮守寧夏九年充總兵官鎮守甘肅黃河以西自莊浪抵肅州南山其外番人阿吉等二十九族所居也洪武間立石畫界約樵牧毋越疆歲久湮廢諸番往往闖入而中國無賴人又潛與交通爲邊患璽請復畫疆域名集諸番諭以界石廢恐官軍欺凌諸部今復立之聽界外駐牧互市則人關如此

番人必聽命可潛消他日憂帝稱善從之十七年進署都督同知時璽以都督僉事爲總兵官而魯鑑以署都督同知爲參將璽恐難于節制乞解兵柄故有是命初哈密爲土魯番所擾使其將牙闌守之都督罕慎寄居苦峪口近赤斤罕東數相攻罕慎勢窮無援朝議敕璽築城苦峪別立哈密衛以居之璽遣謀者間牙闌牙闌不聽得其所羈掠九十餘人以歸具悉虛實十七年召集赤斤罕東將士犒以牛酒令助罕慎罕慎合二衛兵夜襲哈密及刺木等入城遂復其地仍令罕慎居之事聞獎資金幣已罕東入寇璽禦却之請典師以討帝念其常助罕慎第遣使責諭明年北寇殺哨卒璽率參將李俊及赤斤兵擊之于狼心山黑河西多所斬獲二十年移鎮大同璽有復哈密功官不進陳于朝乃實授都督同知璽習韜畧諳文事勇而有

氏姓譜

卷八十四

七陽

王氏

全

謀廷臣多稱之在邊二十餘年爲番人所憚宏治元年卒賜祭葬贈卹有加

王瑞字良璧望江人成化五年進士授吏科給事中嘗于文華殿抗言內寵滿甚詞氣鯁直帝震怒同列戰慄瑞無懼色十九年冬瑞以傳奉冗員淆亂仕路率同官奏曰祖宗設官有定員初無倖進之路近始有納粟官帶之制然止榮其身不任以職今倖門大開鬻販如市恩典內降遍及吏胥武階蔭襲下逮白丁或選期未至越越官資或外任雜流驟遷京職以至廝養賤夫市井童稚皆得攀援妄竊名器踰濫至此有識寒心伏覩英廟復辟景泰倖用者卒皆罷斥陛下臨御天順旨功者一切革除乞斷自宸衷悉皆斥汰以存國體御史寶應張稷等亦言比來末流賤伎妄廁公卿屠狗販繒濫居清要文職有未識一丁武階

亦未挾一矢白徒驟貴間歲頻遷或父子並坐一堂或兄弟分踞各署甚有軍匠逃匿易姓進身官吏犯贓隱罪希寵一日而數十人得官一署而數百人寄俸自古以來有如是之政令否也帝得疏意頗動居三日貶李孜省凌中等四人秩奪黃謙錢通等九人官人心快之明年正月太監尙銘罷斥其黨李榮蕭敬等猶用事瑞等復奏劾之不從瑞居諫垣十餘年遷湖廣右參議謝病歸卒

王徽字尙文應天人天順四年進士除南京刑科給事中憲宗卽位數月與同官王淵朱寬李翔李鈞疏陳四事末言自古宦官賢良者少奸邪者多若授大權致令敗壞然後加刑是始愛而終殺之非所以保全之也願法高皇帝舊制毋令預政典兵置產立業家人義子悉編原籍爲民嚴禁官吏與之交接惟厚其賞賚使得豐足無復他望此

氏姓譜

卷八十四

七陽

王氏

堯

國家之福亦宦官之福也其冬帝入萬妃譖廢吳后罪中官牛玉擅易中宮譴之南京徽復與淵等劾之曰陛下冊立中宮此何等事而賊臣牛玉乃大肆奸欺中宮旣退人情咸謂玉必萬死顧僅斥陪京猶全首領則凡侍陛下左右者將何所忌憚哉內閣大臣身居輔弼視立后大事漠然不以加意方玉欺肆之初婚禮未成禮官畏權輒爲阿附及玉事發之後國法難貸刑官念舊竟至苟容而李賢等又坐視成敗不出一言黨惡欺君莫此爲甚請並罪賢等爲大臣不忠者戒臣等前疏請保全宦官正欲防患于未萌乃處置之道未聞而牛玉之禍果作然往不可諫來猶可追內官在帝左右大臣不識廉恥多與交結饋獻珍奇伊優取媚卽以爲賢而朝夕譽之有方正不阿者卽以爲不肖而朝夕讒謗之日加浸潤未免致疑由是稱譽者

獲顯讒謗者被斥恩出于內侍怨歸于朝廷此所以不可
許其交結也內官弟姪授職任事倚勢爲非聚奸養惡廣
營財利奸弊多端身雖居內心實在外內外交通亂所由
起此所以不可使其子姪在外任職營立家產也臣等職
居言路不爲苟容雖死無悔惟陛下裁察詔謂妄言邀譽
欲加罪諸給事御史交章論救乃並謫州判官徽得貴州
普安淵茂州寬潼川翔寧州鈞綏德奏蓋鈞筆也侍郎葉
盛編修陳音相繼請留不納最後御史楊琅言尤切幾得
罪徽至普安興學校教士始有舉于鄉者郤土官隴賜及
白千戶賄治甚有聲居七年棄官歸言者屢薦終以宦官
惡之不復錄徽嘗曰今仕者以剛方爲刻怠緩爲寬學者
以持正爲滯恬軟爲通爲文以典雅爲膚淺怪異爲古健
其論治嘗誦張宣公語無求辦事之人當求曉事之人時

氏姓譜

卷八十四

七陽

王氏

卒

皆服其切中宏治初吏部尙書王恕薦起陝西左參議踰
年謝病還卒年八十三

王鏊字濟之吳人父瓌光化知縣鏊年十六隨父讀書國
子監諸生爭傳誦其文侍郎葉盛提學御史陳選奇之稱
爲天下士成化十年鄉試明年會試俱第一廷試第三授
編修杜門讀書避遠權勢宏治初遷侍講學士充講官中
貫李廣導帝遊西苑鏊講文王不敢盤于遊田反覆規切
帝爲動容講罷謂廣曰講官指若曹耳壽寧侯張巒故與
鏊有連及巒貴鏊絕不與通東官出閣大臣請選正人爲
官僚鏊以本官兼諭德尋轉少詹事擢吏部右侍郎嘗奏
陳邊計時不能用尋以父憂歸正德元年四月起左侍郎
與韓文諸大臣請誅劉瑾等入黨俄瑾入司禮大學士劉
健謝遷相繼去內閣止李東陽一人瑾欲引焦芳廷議獨

推鑿瑾迫公論命以本官兼學士進戶部尙書文淵閣大學士明年加少傅兼太子太傅景帝汪后薨疑其禮鑿曰妃廢不以罪宜復故號葬以妃祭以后乃命輟朝致祭如制憲宗廢后吳氏之喪瑾議欲焚之以滅迹曰不可以成服鑿曰服可以不成葬不可薄也從之尙寶鄭崔璿等三人荷校幾死鑿謂瑾曰士可殺不可辱今辱且殺之吾尙何顏居此李東陽亦力救璿等得遣戍瑾銜尙書韓文必欲殺之又欲以他事中健遷鑿前後力救得免時中外大權悉歸瑾鑿初開誠與言間聽納而芳專媿阿瑾橫彌甚禍流縉紳鑿不能致力求去四年疏三上許之賜璽書乘傳有司給廩隸咸如故事家居十四年廷臣交薦不起世宗卽位遣行人存問鑿疏謝因上講學親政二篇帝優詔報聞官一子中書舍人嘉靖三年復詔有司存問未幾卒

氏姓譜

卷八十四

七陽

王氏

七

年七十五贈太傅諡文恪鑿博學有識鑿文章爾雅議論明暢晚著性善論一篇王守仁見之曰王公深造世未能盡也少善制舉義後數典鄉試程文魁一代取士尙經術險詭者一切屏去宏正間文體爲之一變云

王翺字九臯益山人永樂十三年初會試貢士于行在帝時欲定都北京思得北士用之翺兩試皆上第大喜特召賜食改庶吉士授大理寺左寺正左遷行人宣德元年以楊士奇薦擢御史時官吏有罪不問重輕許運磚還職翺請犯贓吏但許贖罪不得復官以懲貪贖帝從之五年巡按四川松潘蠻竊殺都督陳懷駐成都相去八百餘里不能制翺上便宜五事悉允行英宗卽位廷議遣文武大臣出鎮守擢翺右僉都御史偕都督武興鎮江西懲貪抑奸吏民畏愛正統四年處州賊流劫廣信命翺往捕盡俘以

還七年提督遼東軍務翺以軍令久弛寇至將士不力戰
因諸將庭謁責以失律罪命左右良出斬之皆惶恐叩頭
願効死贖翺乃躬行邊起山海關抵開原繕城垣五里爲
堡十里爲屯使烽燧相接練將士室餼募軍民大悅又以
邊塞孤遠軍餉匱緣俗立法令有罪得收贖十餘年間得
穀及牛羊數十萬邊用以饒八年以九載滿進右副都御
史指揮孫璟鞭殺戍卒其妻女哭之亦死他卒訴璟殺一
家三人翺曰卒死法妻死夫女死父非殺也命璟償其家
葬殮費璟感激後參將遼東追敵三百里事李秉爲名將
十二年與總兵曹義等出塞擊兀良哈禽斬百餘人獲畜
產四千六百進右都御史十四年諸將破敵廣平山進左
腕腕不花大舉犯廣寧翺方閱兵寇猝至衆潰翺入城自
保或謂城不可守翺手劍曰敢言棄城者斬寇退坐停俸

氏姓譜

卷十四

七陽

王氏

七

半載景泰三年召還掌院事易儲加太子太保潯梧徭亂
總兵董興武殺推委不任事于謙請以翁信陳旺易之而
特遣一大臣督軍務乃以命翺兩廣有總督自翺始翺至
鎮將吏讐服推誠撫諭徭人嚮化部內無事明年召入爲
吏部尙書初何文淵協王直掌銓多私爲言官攻去翺代
一循成憲天順改元直致仕翺始專部事石亨欲去翺翺
乞休已得請李賢力爭乃留及賢爲亨所逐亦以翺言留
兩人相得歡甚帝每用人必咨賢賢以推翺以是翺得行
其志帝眷翺厚時名對便殿稱先生不名翺年幾八十多
忘嘗令郎談論隨入帝問故翺頓首曰臣老矣所聆聖諭
恐遺悞令此郎代識之其人誠謹可信也帝喜吏部主事
曹恂已遷江西參議遇疾還翺以聞命以主事回籍恂怒
伺翺入朝摔翺胸擲其面大聲詬詈事聞下詔獄翺具言

陶實病得斥歸時服其量成化元年進太子太保兩重免
朝參屢疏乞歸輒慰留數遣醫視疾三年疾甚乃許致仕
未出都卒年八十有四贈太保謚忠肅翱在銓部謝絕請
謁公餘恆宿直廬非歲時朔望謁先祠未嘗歸私第每引
選或值名對侍郎代選歸雖暮必至署闕所選惟恐有不
當也論薦不使人知曰吏部豈快恩怨地邪自奉儉素景
帝知其貧爲治第益山孫以廕入太學不使應舉曰勿妨
寒士路婿賈傑官近畿翱夫人數迎女傑恚曰若翁典請
殺我官京師反手爾何往來不憚煩也夫人聞之乘間請
翱翱怒推案擊夫人傷面傑卒不得調其自遼東還朝也
中官同事者重翱賄明珠數顆翱固辭其人曰此先朝賜
也公得毋以賍卻我乎不得已納而藏焉中官死名其從
子還之爲都御史時夫人爲娶一妾逾半年語翱翱怒曰

氏姓譜

卷八十四

七陽

王氏

奎

汝何破我家法卽曰具金幣返之妾終不嫁曰豈有大臣
妾嫁他人者翱卒妾往奔喪其子養之終身李賢嘗語人
曰阜陶言九德王公有其五亂而敬擾而毅簡而廉剛而
塞強而義也

王竑字公度其先江夏人祖俊卿坐事戍河州遂著籍竑
登正統四年進士十一年授戶科給事中豪邁負氣節正
色敢言英宗北狩竑王攝朝午門羣臣劾王振誤國罪讀
彈文未起王使出待命衆皆伏地哭請族振錦衣指揮馬
順者振黨也厲聲叱言者去竑憤怒奮臂起捽順髮呼曰
若曹奸黨罪當誅今尙敢爾且罵且齧其面衆共擊之立
斃朝班大亂王恐起入竑率羣臣隨王後王使中官金英
問所欲言曰內官毛貴王長隨亦振黨請竑諸法王命出
三人衆又捽殺之血漬廷陛當是時竑名震天下王亦以

是深重竝且名諸言官慰諭甚至王卽帝位也先犯京師命竝與王通楊善守禦京城擢右僉都御史督毛福壽高禮軍寇退詔偕都指揮夏忠等鎮守居庸竝至簡士馬繕阨塞劾將帥不職者壁壘一新景泰元年八月竝以疾還朝尋命同都督僉事徐恭督漕運治通州至徐州運河是年冬耿九疇名還勅竝兼巡撫淮揚廬三府徐和二州又命兼理兩淮鹽課四年正月以災傷疊見方春盛寒上言請勅責諸臣痛自修省省刑薄斂罷無益之工嚴無功之賞散財以收民心愛民以植邦本陛下益近親儒臣講道論德進君子退小人以回天意且引罪乞罷帝納其言遂下詔修省求直言先是鳳陽淮安徐州大水道壅相望竝上疏奏不待報開倉振之至是山東河南飢民就食者至至廩不能給惟徐州廣運倉有餘積竝欲盡發之典守中

氏姓譜

卷八十四

七陽

王氏

古

官不可竝往告曰民旦夕且爲盜若不吾從脫有變當先斬若然後自請死耳中官憚竝威名不得已從之竝乃自劾專擅罪因言廣運所儲僅支三月諸令死罪以下得于被災所入粟自贖帝復命侍郎鄒幹齎帑金馳赴聽便宜竝乃躬自巡行散振不足則令沿淮上下商舟量大小出米全活百八十五萬餘人勸富民出米二十五萬餘石給飢民五十五萬七千家賦牛種七萬四千餘復業者五百家他境流移安輯者萬六百餘家病者給藥死者具棺所鬻子女贖還之歸者予道里費人忘其飢頌聲大作初帝聞淮鳳飢憂甚及得竝發廣運倉自劾疏喜曰賢哉都御史活我民矣尙書金濂大學士陳循等皆稱竝功是年十月就進左副都御史時濟寧亦飢帝遣尙書沈翼齋帑金三萬兩往振翼散給僅五千兩餘以歸京庫竝劾翼

奉使無狀請仍易米備振從之六年霍山民趙玉山自稱
宋裔以妖術惑衆爲亂茲捕獲之先後劾治貪濁吏草糧
長之蠹民者民大稱便英宗復辟草巡撫官改茲浙江參
政數日石亨張軌追論茲擊馬順事除名編管江夏居半
歲帝于宮中得茲疏見正倫理篤恩義語感悟命遣官送
歸田里勅有司善視之天順五年李來寇莊良都督馮宗
等出討用李賢薦起茲故官與兵部侍郎白圭參贊軍務
明年正月茲與宗擊退李來于紅崖子川圭等還茲仍留
鎮至冬乃召還明年春復令督漕撫淮揚淮人聞茲再至
歡呼迎拜數百里不絕憲宗卽位給事中蕭斌御史呂洪
等共薦茲及宣府巡撫李秉堪大用下廷議尙書王黼大
學士李賢請從其言帝曰古人君夢卜求賢今獨不能從
輿論所與乎卽召茲爲兵部尙書秉爲左都御史命下朝

氏姓譜

卷八十四

七陽

王氏

奎

野相慶時將用兵兩廣茲舉韓雍爲總督雍新得罪衆難
之茲曰天子方棄瑕錄用雍有罪不當用茲非罪廢者邪
卒用雍茲條上進剿事宜且言將帥征討毋得奏攜私人
妄冒首功又請復京營舊額禁勢家豪帥擅役禁軍于是
命茲同給事中御史六人簡閱十二營軍士茲以擇兵不
若擇將其奏罷營職八十餘人慎簡材武補之兵部清理
貼黃缺官茲偕諸大臣舉修撰岳正都給事中張寧爲李
賢所沮竟出二人于外並罷會舉例茲憤然曰吾尙可居
此職邪卽引疾求退帝方嚮用茲優詔慰留日遣醫視疾
茲請益切九月命致仕茲爲尙書一年謝病者四月人以
未竟其用爲惜旣去中外薦章百十上茲報寢初茲號其
室曰憇庵旣歸改曰休庵杜門謝客鄉人希得見時李秉
亦罷歸自出入里閭與故舊談笑遊燕茲聞曰大臣何可

不養重自愛乘聞亦笑曰所謂大臣豈以立異鄉曲尙矯
傲爲賢哉時兩稱之茲居家二十年宏治元年十二月卒
年七十五正德間贈太子少保諡莊毅江淮人立祠祀之
王復字初陽固安人正統七年進士授刑科給事中聲容
宏偉善敷奏擢通政參議也先犯京師邀大臣出迎上皇
衆憚行復請往乃遷右通政假禮部侍郎與中書舍人趙
榮偕敵露刃夾之復等不爲懼還仍洩通政事再遷通政
使天順中歷兵部左右侍郎成化元年延綬總兵官房能
奏追襲河套部衆有旨獎勞復以七百里趨戰非宜且恐
以僥倖啓覺請勅戒諭帝是之進尙書錦衣千戶陳珏者
本畫工及卒從子錫請襲百戶復言襲雖先帝命然非軍
功宜勿許遂止毛里孩擾邊命復出視陝西邊備自延綬
抵甘肅相度形勢上言上皆從之復在邊建置多合機宜

氏姓譜

卷八十四

七陽

王氏

矣

及還朝言者謂治兵非復所長特命白圭代之改復工部
謹守法度聲名逾兵部時中官請修皇城西北迴廊復議
緩其役給事中高斐亦言災沴頻仍不宜役萬人作無益
帝皆不許中官領騰驤四衛軍者請給胼襖鞋袴復執不
可曰朝廷制此本給征行之士使得刻日戒途無勞縫紉
京軍則歲給冬衣布棉此成憲也奈何淪之大應法王劄
實巴死中官請造寺建塔復言大慈法王但建塔未嘗造
寺今不宜創此制乃止命建塔猶發軍四千人供役云十
四年加太子少保復好古嗜學守廉約與人無城府當官
識大體居工部十二年會災異言官言其衰老乞休不許
居二月汪直諷言官更劾復及鄒幹薛遠乃傳旨並令致
仕歸久之卒贈太子少保諡曰莊簡

王恕字宗貫三原人正統十三年進士由庶吉士授大理

左評事進左寺副嘗條刑罰不中六事皆議行之遷揚州知府發粟振飢不待報作資政書院以課士天順四年以治行最超遷江西右布政使平贛州寇憲宗嗣位詔大臣嚴覈天下方面官乃黜河南左布政使侯臣等十三人而以恕代臣成化元年南陽判襄流民嘯聚爲亂擢恕右副都御史撫治之會丁母憂詔奔喪兩月卽起視事恕辭不許與尙書白圭共平大盜劉通復討破其黨石龍嚴束所部毋濫殺流民復業移撫河南論功進左副都御史稍遷刑部右侍郎父憂服除以原官總督河道浚高郵邵伯諸湖修雷公上下句城陳公四塘水閘因災變請講求弭災策帝爲賜山東租一年畿輔亦多減免旌改南京戶部左侍郎十二年大學士商輅等以雲南西控諸夷南接交趾而鎮守中官錢能貪恣甚必遣大臣有威望者爲巡撫鎮

氏姓譜

卷八十四

七陽

王氏

七

歷之乃改恕左副都御史以行就進右都御史初能遣指揮郭景奏事京師言安南捕盜兵闖入雲南境帝卽命景齎勅戒約之舊制使安南必由廣西而景直自雲南往能因景遺安南王黎灝玉帶寶纒蟒衣珍奇諸物灝遣將率兵送景還欲遂通雲南道景懼後禍給先行白守闕者因脫歸揚言安南寇至關吏戒嚴黔國公沐琮遣人諭其帥始返而諸臣畏能匿不奏能又頻遣景及指揮盧安蘇本等交通于崖孟密諸土官納其金寶無算恕皆廉得之遣騎執景景懼自殺因劾能私通外國罪當死詔遣刑部郎中潘蕃往按之能又以其間驛進黃鸚鵡恕請禁絕且盡發能貪暴狀言昔交趾以鎮守非人致一方陷沒今日之事殆又甚焉陛下何惜一能不以安邊微能大懼急屬貴近請名恕還是時商輅項忠諸正人方以忤汪直罷遂改

恕掌南京都察院參贊守備機務能事立解蕃勦上得實
置不問恕居雲南九月威行徼外黔國以下咸惕息奉令
疏章凡二十上直聲動天下當是時安南納江西叛人王
姓者爲謀主潛遣牒入臨安又于蒙自市銅鑄兵器將向
間襲雲南恕請增設副使二員以飭邊備謀遂沮還南京
數月遷兵部尙書參贊如故考選官屬嚴拒請託同事者
咸不悅而錢能歸屢譖恕于帝帝亦銜恕數直言遂命兼
右副都御史巡撫南畿舊制應天鎮江太平寧國廣德官
田徵半租民田全免其後民田率歸豪右而官田累貧民
怨乃量減官田耗稍增之民田常州時有羨米乃奏以六
萬石補夏稅又補他府戶口益鈔六百萬貫公私便焉所
部水災奏免秋糧六十餘萬石周行振貸全活二百餘萬
口江南歲輸白糧民多至被產而光祿槩以給庖人賤工

氏姓譜

卷八十四

七陽

王氏

姜

又中官橫暴四方輸上供物監收者率要羨入織造繪綵
及採花卉禽鳥者絡繹道路恕先後論列不納中官王敬
挾妖人千戶王臣南行採藥物珍玩所至騷然長吏多被
辱至蘇州名諸生寫妖書諸生大譁敬奏諸生抗命恕亟
疏言當此凶歲宜遣使振濟顧乃橫索玩好邪因盡列敬
等罪狀敬亦誣奏恕並及常州知府孫仁仁爲人方峻敬
至不爲禮以是見忤恕抗章救三疏劾敬會中官尙銘亦
發敬奸狀乃下敬等獄成其黨十九人而棄臣市傳首南
京仁亦得釋歸二十年復改恕南京兵部尙書時錢能亦
守備南京語人曰王公天人也吾敬事而已恕坦懷待之
能卒歟戢林俊之下獄也恕言天地止一壇祖宗止一廟
而佛至千餘寺一寺立而移民居且數百家費內帑且數
千萬此外也俊言當不宜罪帝得疏不憚恕侃侃論列無

少避先後應詔陳言者二十一建白者三十九皆力沮權
倖天下傾心慕之遇朝事有不可必曰王公胡不言也則
又曰公疏且至矣已而恕疏果至時爲謠曰兩京十二部
獨有一王恕于是貴近皆側目帝亦頗厭苦之二十二年
起用傳奉官恕諫尤切帝愈不悅恕先加太子少保會南
京兵部侍郎馬顯乞罷忽附批落恕官保致仕朝野大駭
恕數爲巡撫歷侍郎尙書皆在留都以好直言終不得立
朝旣歸名益高臺省推薦無虛月孝宗卽位始用廷臣薦
名入爲吏部尙書尋加太子少保先是中外劾大學士劉
吉者必薦恕吉以是大恚凡恕所推舉必陰撓之宏治元
年閏正月言官劾兩廣總督宋旻漕運總督邱蘊等三十
七人宜降黜中多素有時望者吉竟取中旨允之章不下
吏部恕以不得其職拜疏乞去不許陝西缺巡撫恕推河

氏姓譜

卷八十四

七陽

王氏

九

南布政使蕭禎詔別推恕執奏願乞骸骨帝乃卒用禎時
言官多稱恕賢且老不當任劇職宜置內閣參大政最後
南京御史吳泰等復言之帝曰朕用蹇義王直故事官恕
吏部有謀議未嘗不聽何必內閣也進士董傑御史湯鼎
給事中韓重等交章論駁恕待罪請解職優詔不許恕上
言乞放還帝復優詔勉留之恕感激眷遇益以身任國事
方以疾在告聞帝頗擢用宦官至有賜蟒衣給莊田者具
疏切諫尋以與劉吉不合志不得行連章求去帝輒慰留
且以其老特免午朝週大風雨雪早朝亦免徽王見沛乞
歸德州田已得旨恕言王國懿親不當爭尺寸地使小民
失業帝婉辭報焉盧溝橋成中官李興乞進文思院副使
潘俊等官恕言營造常職安得錄功成化季始有此事陛
下初政幸已革汰奈何復行且山陵大工未聞陞職援例

奏乞將何詞拒之帝納其言已修京城河橋帝復從興請授四人官許五人冠帶恕執奏不從再疏爭曰臣職掌銓選義當盡言而再疏莫回天聽以爲業已許之不可易夫事求其當設未當雖十易何害不然流弊有不可救者報聞先後以災異條七事以星變陳二十事咸切時弊壽寧伯張巒請勦號諸券恕言天下之官以待天下之士勿私貴戚妨公議中旨以次等御醫徐生趙補院判恕請選上考者不納文華殿中書舍人杜昌等夤緣遷秩御醫王玉自陳乞進官恕皆力爭寢之是時劉吉已罷而邱濬入閣亦與恕不相能因力求罷不許太醫院判劉文泰者故往來濬家以求遷官爲恕所沮街恕甚怒里居日嘗屬人作傳鏤板以行濬謂其沽名諂君文泰奏以傳中多彰先帝拒諫無人臣禮欲中以奇禍恕以奏出濬指抗言臣傳作

氏姓譜

卷八十四

七陽 王氏

二百

于成化二十年致仕在二十二年非有望于先帝也且傳中所載皆是昭先帝納諫之美何名彰過文泰無賴小人此必有老于文學多陰謀者主之帝下文泰錦衣獄鞠之得實因請逮濬恕及禎對簿帝心不悅恕乃貶文泰御醫責恕沽名焚所鏤板置濬不問恕再疏請辨理不從遂力求去聽馳驛歸不賜勅月廩歲隸亦頗減廷論以是不直濬及濬卒文泰往弔濬妻叱之出口以若故使相公齟王公負不義名何弔爲恕敷歷中外五十餘年剛正清嚴始終一致所引薦耿裕彭韶何喬新周經李敏張悅倪岳劉大夏戴珊章懋等皆一時名臣他賢才久廢草澤者拔擢之恐後宏治二十年間衆正盈朝職業修理號爲極盛者恕力也武宗嗣位遣行人齎勅存問賚羊酒益廩隸且諭以謹論無隱恕陳國家大政數事帝優詔報之正德三年

四月卒年九十三平居食噉兼人卒之日小減閉戶獨坐忽有聲若雷白氣瀾漫矚之膜矣訃聞輟朝贈特進左柱國太師諡曰端毅五子十三孫多賢且顯云

王承裕字天宇恕少子也七歲能詩弱冠著太極動靜圖說恕官吏部令日接賓客以是周知天下賢才選用無不當舉宏治六年進士恕致政承裕卽告歸侍養起授兵科給事中出理山東河南屯田減登萊糧額三畝徵一斗還青州彰德軍田先賜王府者三百六十餘頃武宗立屢遷吏科都給事中以言事忤劉瑾罰米輸塞上再遷太僕卿嘉靖六年累官南京戶部尙書清逋稅一百七十萬石積羨銀四萬八千餘兩帝手書清平正直褒之在部三年致仕卒贈太子少保諡曰康儷

王詒字文振趙人生有異姿學士曹鼎奇之妻以女天順氏姓譜

卷八十四

七陽 王氏

百

未登進士授工科給事中睿皇后崩值秋享太廟時議謂

不當以卑廢尊詔言禮有喪不祭無已則移日俟釋服議雖不行誠者是焉八年七月偕梁璟等論及宮闈事帝大

怒名至文華殿面詰之詔仰呼曰臣等言雖不當然區區

犬馬之誠知爲國而已乃杖而釋之出爲湖廣右參政原

傑經畧荆襄詔襄理功爲多以父憂去服除再任遷右布

政使宏治元年轉貴州左布政使其冬以右副都御史巡

撫雲南土官好爭襲所司入其賄變亂曲直生邊患詔不

通苞直一斷以法且去弊政之不便者諸夷歸命邊徼寧

戢有故官不能歸者妻子多鬻爲奴詔爲資遣得歸者其

衆洪武中尙書吳雲繼王禕死事後禕諡忠文歲祀之而

不及雲詔以爲請乃謚雲忠節與禕並祀四年名拜南京

兵部右侍郎未上而卒

王鴻儒字懋學南陽人少工書家貧爲府書佐知府段堅
愛其書留署中親教之遣入學校爲諸生遂舉鄉試第一
成化末登進士授南京戶部主事累遷郎中擢山西僉事
進副使俱督學政居九年士風甚盛孝宗嘗語劉大夏曰
藩臬中若王鴻儒他日可大用也正德改元謝病歸劉瑾
擅政收召名流四年夏起爲國子祭酒以父喪去再起南
京戶部侍郎十四年遷南京戶部尙書甫履任宸濠反命
督軍餉疽發于背遂卒諡曰文莊鴻儒爲學務窮理致用
爲世所推在吏部清正自持門無私謁弟鴻漸鄉試亦第
一以進士累官山東右布政使以廉靜稱

王璟字廷采沂人成化八年進士爲登封知縣歷兩京御
史宏治十四年以南京鴻臚卿拜右僉都御史理兩浙鹽
政振荒浙江奏行荒政十事多所全活十七年冬巡撫保
氏姓譜

卷八十四

七陽

王氏

五

定武宗立太監夏綬乞于真定諸府歲加葺場稅少監傅
琢請履畝核靜海永清隆平諸縣田太監張峻欲稅寧晉
小河往來客貨諸皆許之又以莊田故遣緹騎逮民魯堂
等二百餘人畿南騷動璟抗疏切諫尙書韓文等力持之
管莊內臣稍得名還正德元年四月引疾致仕命馳傳歸
三年坐累奪官閒住六年起撫山西製火槍萬餘槍藏箭
六皆傳毒藥用以禦寇寇不敢西累遷右都御史已遷左
以張綸爲右都御史代之後陳金以太子太保左都御史
入院位璟上人魏璟中都御史時羣小用事大臣靡然附
之璟守故操再太子太保世宗立致仕卒贈少保諡恭靖
字懋卿勳人正德十六年進士由庶吉士授編修寮
邁尙志節事親篤孝家貧屢空晏如也仕僅四年而卒云

